

Aitaraunio Odwe 2
Jeffersonville, Indiana, U.S.A.
60-0518

1 Eyapit eong mot. Apupunit eong ebe ajai itunganan ice yen adedeng, adedeng noi, ido arai do eong alosit isawan ngupengun,' naarai aroko noi. Ido arai eong aiderep emotoka anyoun ko Michigan, abu sheriff kiworote, kede aceda, ebe arasi kesi luaroko noi. Kwana, konye ebuni ajokar; kangin ibore kere ebuni ajaut kwap naka eyaitene wok, kwana erai ngin naejok. Nelomuna Ejakait toma, kanen nginibore kere ebuni ajaut koyaitene wok, mam kere erai Ngesi ngin? Oo, ejok Ngesi noi; aomom nuikamunitos ajokisiKe kede aitimiKe, nuda epeleikini ngun kanuwok, kede epone loepolor etiai loka aituriteKe.

Ibuni kwana oni aitam ageun, ebe -ebe ekoto oni aige ayangar isulai iuni lusodit luka eitabo loka Ipeson. Ido awomit eong ijai oni kede akiro auni nusodit, araibo nat iceboro iuni kanen. Mam oni kilosi nelwana, konye aticepak atibong kana ibuni aikunyakin nenidio ngaren. Kwana, akoto eong alimun ebe mam eong arai ekesisian loka Ebaibuli, konye apak naeoj, ido alwana noi kotoma araut loisisiat, konye amina eong Ejakait, ido amina eong aijanakin Nges ido... [Abu onac inerakinos kede onac Branham-Ed.]

Icetunganan, kotoma ongeso, abu kolim ebe, kwana eroko oni eloto noi kwana, ipese yenididi kadekis nako Louisville, imurok lukajokak kakere adautu aipal nges, ejai do kwana ngesi atwanare, kwana ajaatar eong kede ailipa kanuka ikoku kangin. Kwape ikristayon, erai ewokepelu aitulur awokakwes, kwana, kanuka ailip.

Oo, Ejakait lokasianut, mam erai akosiswam bon, konye erai akosiarereng, ido erai ekosipud ebe iso aitulur akosikwes katibongo kana kwape ekanisa, kwape ekodet loenyaraunitai kinga, itunga luyiunits luejaas ne atibong kana, kanu aisisianakin AkirotoKon, tetere asipokin isio toma akuan, nada ebeit isio, tetere iso iswamai ebekokina cut kwape imemban luka akuan naka Yesu Kristo.

Kwana enyarit isio alosit katipet mama ajai Edeke. Ido kangin idopet kasio luka papa iwomit ngun, ebe idobodo korai yenikon, biai bodo ti kenokatar oni itauno kotomawok, ti oni inyaraik ekanisa ajaun kede ailip katipet. Ido luka papa ice enokete itauon, kopupete apipilu. Ejakait, kodolu etunganan ngon loka Emoyo Lokalaunan kopekwana toma otau loka papake. Kolema awai adiobuonokin kere, kede apipilu, kojenu ngesi ebe irai Ijo Edeke ido emamei adiodeka naesalakini ngarenikon naejaunor aicorakinet naka Emoyo ayangar ekanisa kede itunga.

2 Ido anatar esabiiti kere, ijai isio ailip, agear Nasabiti natubor abu eong kaomite epone loka ailip kana. Imameotor oni kede ijisio kwape kisesenia akwapin, konye kilema aporocet na ededeng ne etingere kede ibokor luka aiyuun. Wu Ejakait, kodoloto akosilipasinei ore, tetere atwanare ngin naiteunit ikoku ngin, kisirakinai; amuton, airionus naepol, awai kosiep naka ikoku kangin, kama imukeru kangin araibo ikoku, ipese yenididi. Ido kocau aibuses naka Edeke kamake. Konyou ngesi adekis kangin, erai ikoku yen ejok.

Edeke, ijeni isio ebe juwai naka angolol idaritos isio luminan kosi, ido erai nakaibuses. Konye imina isio ludidik kosi, ido kilipi, Ejakait, kanuka aibuses kon, ebe ideu ajar naka ikoku kangin. Isio, kwape ekanisakon, iretakini atwanare ngin, kasodete alimun ebe, "kogwo kopalarite kokuju. Mam Jo ipedori ayangar ikoku ngin, naarai iburat isio akeijar kanuka ajakanut naka Edeke bon." Kocam iboro lu, Ejakait, alosit cut kiton agerosit kwape idodiaritor isio, Kokiror loka Yesu Kristo, Eketajaran kosi. Amen.

3 Kiyunit oni? Mam ti Eong ajeni nuti keswama eong korai mam eong arai Ekristayot. Mam ti Eong akotokin aiboi aojau. Naarai emamei ibore yen ajokar ajaria, Ngesi bon aanyun ebe edumunete luceda aitajario, Ngesi bon ibore yen ejok ajeni eong.

Kwana, atibong na ikoto ber abongor toma aisisiawok natubor. Abuni eong aitam asiomun...naarai...esula kere, arai apedo eong atibong kana. Tetere atupuruc naka esabiiti kede atibong, arai erai ngin naejokuna, aitam Alomar toma obore yen akoto eong Ekanisa aanyun. Oo, erai nakabuses ijo adumun aiboisitikon! Emamei yen epedori aswam idiobore kiton ijo ajenun jokan ibore yen ijai ijo aswam.

4 Ido korai kob...ajaun kede ajengio, ajai emuron loadit loayapie apak nalomuna kosomero tetere Ngesi...mam Ngesi ajengitor idiotunganan. Konye kodit kibus da, kolakitete iketim ejok, konapite ejok noi, kolaete noi iponesio, kede idiobore kere. Ido kosodi ngolatemar ebe, "Adau eong aipenar ikilenga, adau eong asikapikin iboro lutosoma kere." Ipedori ijo aticepak aipup koipone loitegelikina kanuka ngun. Ekoto eong ajaunos kede emuron lomojong loejaunar kede aijen naka aijeng irwan nuipe kokau, eroko eong etubo. Akoto eong icetunganan mere ikalomun kotoma osomero, akoto eong icetunganan yen ejaas kede aijen.

Ido aije naejok kere adiopet na ajeni eong, kanu aiworot eong atibong kana, Ngesi Emoyo Lokalaunan. Ngesi erai emuron lokapolon loka Edeke kede emwalimu loepol.

5 Ido agwoetait naka aisirareteka lolo, eroko erai kotoma aisisia nakasibiti, Ngesi ngin, apotu kongeroto Samuel kanuka Akirot naka Ejakait, kosodete acamun Saul, okoku loka Kish, kosodete agir Samuel, loegwoikinit Emoyo Lokalaunan, naarai enera Ngesi nu engarenikit Ngesi Emoyo Lokalaunan einer. Ido

napenyarauna Ngesi kesi toma kangin, abala Ngesi, "Kiitu, mam eong alimokinitor idiobore kokiror loka Ejakait konye ajai Ejakait aitodolikin. Mam eong alositor koipone lokaronon akonyen kus. Ido emamei yen epedori aitorono eong kanuka aronis."

Kwape alimuna Yesu, "Ingai epedori aitorono eong kanuka aronis?" kiany?

Abu bobo kolim, ebe, "Mam eong abunit mama kus kasodi ailip yes ikapun kede iceboro. Mam eong ayangarit icebore kamakus. Konye kere nuabu eong kener arai kanuka ajokis kus, ngun nuabu eong kainak yes kakituk naka Ejakait."

Kosodete itunga kere ainakin ajenanut, "Erai ngin abeit. Kere erai nakabeit, konye araida ikote nen ikoto isio ekabaka. Ikoto iso da aputokin kede nuce akwapin."

6 Kwana, atibong na, ewok ekokoro etiakak... eitabo loka Ipeson, Ngesi eitabo loka Yosua loka Aitutuket kanaitetet. Ejai atiakatiak kede asipokin "Ikepikorok." Kwana, erai ber adumun nukokau adaun adakikan idis, adumun aiboisit eroko ber oni kisioma, ageun kotoma okokoro 3. Kwana, kidumuni oni katibong kana asabiti kana atubor ebe...Edeke kotoma Aitutuket Kanamojongo abu koinak Isirael aisumunet naka akwap naka aiyengun, naarai apotu koraut ikalotok kede ikerimok. Ido ajasi kesi akwap namam arai nakec, Ido abu Edeke kotoma Aburaam ebe ebuni Ngesi araun ekaloton...abuni akeur araun ibororoko akwap ace adaun ikaru akwataongon kotoma kotunga ice, kosodete aitisilar, konye kotoma akanin agogong abuni Ngesi ainyakun kesi akwap najokan nada aleleete akile kede esike.

7 Ido kwana, eyapu apak naka aisumunet, abu Edeke kitonyou icetunganan kanu ayangaun kesi toma aisumunet ngin. Idi kotoma atukot lolo ejeniete ingai ngon? Musa. Komisiik, aitupuset cut nakabeit kanawok lokenakinitai ayangaun oni toma akwap naka aisumunet, Kristo. Kwana ejai oni aisumunete, narai awokasumunet erai aiyengunnaka emoyo, konye nakec arai naka akuan. Kanuka ngun alosete kesi akwap napedorete kesi alimun ebe, "Erai na akwap wok, mam bobo oni kirai ikerimok, idau do oni asipokin, na Ngesi akwap wok, ido ne iyengun oni. Ibuni oni aira emudunga, imusabibuni, ido ibuni oni ainyam kotoma omusabibun wok. Kasodete oni alosit ngaren, ijalakina do oni iwokodwe."

8 Oo, biai ti kilomaria oni akwap ngin, ikisila luka airum, kwape Naomi kede Ruth, Boaz, ayangaun ngun kere, eipone loka onac kotoma Isirael, eipolo abeitor...kanginibore kere yen atwaniarit Ngesi abeit kolakunai kede ekelakunan lopajan. Oo, eiponelobusar ngin! Eyangakin isabitin kede isabitin kede isabitin kede isabitin, komam oni ijalakin esula lo, Alomar tomake. Ipedori oni awenikin Ebaibuli keretoma kanu, kere toma osula lo.

Ido, Oo, amina eong aisia Ngesi. Imina isio ayanganar ngin, ayangar adaun ekaru kedeatutubet, komam ajalakin eitabo. Konye asalaki tomake.

9 Kwana, konye, arai ibore yen apol ebe airumete, eipone lojaar ebe akwap naka airumet nada amamei ice kere konye ekelakunan loayapiei lopajan nges apedori alakun airumet. Kwana, akoto eong acakakin aanyunet ace ne natirorit eong akuare nabian, mama ajai yesi nukatoto. Adikayesi ane ilipete kanuka kaluminan kece, lueoliritos? Ejok. Yes bobo ngun kanen, kiany, "Airumet kusi." Kiany?

Abu Paul kolimok Eromayot, ebala ebe, "Kiyuu Ejakait Yesu Kristo, ido ijo kede ekonikal kere itajario." Arai ijatar ijo ayuun naedolit kanuka akonijarkana aitajario, kodum ayuun naedolit, mam ace eipone lo alwanar esapat ngon araiapese ngin, konye itajario ediopone kere. Edeke, ediopone! Arai erai Ngesi aiperikin kesi kopuriakec, apero kangin Adekis, ekotos atwanar, konye itajariokesi. Abu Edeke kodaunite aisumun. Airumet! Oo! "Ido epote kesi ajaun nen," abala isaia ebe, "Ido kesi kede luatupakinete kesi kere itajario kede kesi. Mam kesi epote aitiipil arai amudiar kotoma omoruka lokalaunan, ebe Ejakait."

Oo, adum eong aiboisit naomit eong abunii eong asalakin toma atibongona, kanukus. Enoki kotoma otauca, kotoma kangun abongun toma kangun.

Konye kwana, alosit ngaren.

10 Abu ijo komisiik Musa, ekeswaman nukaumokin lokapolon loabu koyangau Isirail kiton akwap, konyemam abu kosipok kesi toma airumet; abu ingarenik kesi kiton akwap. Konye Yosua Ngesi abu kotiakatik akwap toma otunga. Erai ngin nakabeit? Ido abu Kristo koyangau ekanisa kiton aboisit naponii iswamare airum kece mamakec, aponii koinakinai kesi, konye Yorodan bon aitub, konye Emoyo Lokalaunan Ngesi esipokin ekanisa toma ainapeta. Yosua loka lolo Ngesi ingaikin ekanisa toma ainapeta, ainakin mama ajai nginidiopet, Ainakineta, Aiboisio, iwaitin. Ido Ngesi eporoto loka Ededeloinera kede etunganan lokotoma lotajara Kristo, Emoyo Lokalaunan. Kwana biaiidumu ijo ngun kere? Kwana ijai oni alomari toma oitabo loka Ipeson. Kwana, eipone loeputo, Abu Ngesi kosipok ekanisa toma aboisit ke nabeit kesi. Kwana, Yosua abu kosipo kesi akwap narai naka akuan. Kwana Emoyo Lokalaunan Ngesi esipokin ekanisa, cut toma aiboisitike, kotoma akwap, tetere kesi, kotoma aibosit nabeit kesi, akecerumet.

11 Kwape, ibore yenisodit yen egeunia ngesi kede kane, ajai ngesi aijukar ekebaluwa, "Paul,..." nuda ilosi oni adumun ngin akaulo naka apak naedit ebe nukaiyeiyea aponi kopukokinai mamake, mam erai kotoma

osomero, mam erai kama ejai ekesisian ece, konye arai apukokinio naka Emoyo Lokalaunan ngesi abu Edeke koinak Paul. Kojeni ebe ayeyaia naka Edeke, abala ngesi, arai naebwaitai ageun eroko epesikina apeteta naka akwap, aponi kopupokinai mamake kanuka Emoyo Lokalaunan. Ido Emoyo Lokalaunan kotoma otunga ajai asipokin kanginidiopet toma ainapeta, asipokin ekanisa toma aiboisit ke.

12 Kwana, ibore yenisodit yen abu Paul kogeu alimokin itunga, ngesi ainakin kesi kere... Kiitu ebe erai na mama ejai Ekanisa, mere mama ejaas luko kinga. Erai aiyeiyea kotoma aiboisio nui pu mamake, mam ngesi apedori amisiikin, arai nuabu kokurwok nges amisiikin, amamei idiobore yen ajeni ngesi kotoma. Konye, mama ajai Ekanisa, erai esike kotoma atiiba, erai aiyalama namam inerun, erai amun nakarereng, erai aikamakina naka etau, erai amunowok kede ne ibusakinit oni aiboieneno, erai atiba naka aturio, Oo, erai idiobore kere yen ejok. Naarai etuboros akuj kede akwap da, konye Akirot naka Edeke mam etubor.

13 Konye etunganan loejai kinga naka Kanaan emamete nuejeni kotoma kangun, eroko irimi. Mam erai alimun ebe mam ngesi erai etunganan loejok, mam erai ngun abala eong. Mam eong abala ebe etunganan lojai Misiri mam erai etunganan lokajokan, konye erai...kiton neadoluna ngesi toma airumet ke.

Ido airumeteke, ebe, aisumunet na aponi koinakinai mama ajai Ekanisa mam erai akwap naetakani, konye akwap nakotoma Omoyo, naarai irai oni esaseredotene loka ekabakane, akwap nakalaunan. Ido kotoma osaseredotene lo loka ekabakane, akwap nakalaunan, akwap do kere atwana nakokinga. Ido ingarenikit oni Emoyo Lokalaunan. Odwe lusap kede lupesur luka Edeke, kingarenikinite Emoyo Lokalaunan loka Edeke; mere etunganan, konye kede Emoyo.

14 Kere kotoma amina, kanginibore kere eyenikinitai kwana. Atamitai aisisinakin na irwan nui pu kokau kangina, ido komam abunokini kesisiak atamitos kotoma adules adepar eong. Konye ibore yen akoto eong aitodikin ijo ngesi yen: ebe etunganan loejai toma Kristo, kede Emoyo Lokalaunan, epedori angirikin etunganan arai ediakarit; angirikin, aitikokina, atitingikin; erai loejijim, inapakina, korai lomunot, ilelebas kede Emoyo; mam duc Ngesi emamei; konye ejai duc Ngesi; erai Ngesi etunganan loitegelikina.

Mam erai etunganan lotitai, "Ipupunitor oni. Neapotu oni acelanarotor, apotu kadumutu, oni luko Methodists. Oo, neapotu oni kacelanarotor, ebe ijai oni toma Ojakait." Ejok ngin, erai nape ejok, eong da eyuunit ngin.

Kopote lukopentekot kede einer kotoma angajepa, koomitos ebe "Adumutu; kanginidiopet abu kiner kotoma angajepa ebe adumu." Eong da eyuunit ngin. Konye idumuni ijo ebe luipu mam cut adumunito ibore ilopet, kiany ijo. Kiany? Kwana kesi ngun...

15 Kwana ijai oni alomar toma kanuka aiyeiyea naepol naingaditai ageun eroko epesikina apetetait naka akwap ido kwana epukoritai kotoma aparasia nukawasia mama ejas odwe luka Edeke. Iyuunit ijo ngin araut nakabeit, etodiaros odwe luka Edeke? Eroko ber oni kiloto nenice, apukosi ber oni kotoma oitabo loka Iromayon esula 8th adakika, kasiomak eong yesi icebore. Aanyun arai ngesi edolokinit ibore yen ajai eong aineri kane. Kwana ilosi oni toma Iromayon 8, okokoro lo 19 loka esula 8 loka iromayon:

Naarai idarete isuban kemiel noi apukokinio naka odwe luka Edeke.

16 Kemiel loepol noi, isuban kere idaritos apukokinio. Kiany, apukokinio! Inyobo apukokinio? Aitijenun!

Akwap kere. Luka Mohammedans kangina kere, Ejaas emootos ngin, kere airimor, kanginbois, ejaas emootos ngin. Aibo ejaasi itunga lu?" ipupunitor oni...ipupunitor oni ekwamu loakusi kagogong, ipupunitor oni airurum kede eimilia, ipupunitor oni aokot kede akinyet, ipupunitor oni nuka iboro kere, konye abu komen oni apupun iporoto ngin yenidid yen abu isup enabi loatorokit elou akuanake kosodi alosit kinga kobala. "Eong lo, Ejakait." Kiany?

17 Kwana isuban kere idinyas idaritos aitodiario naka odwe luka Edeke. Elosi ber Paul asipokin ekanisa cut aboisit naebeit. Kwana adumun nukokau, abongokis aisiom bobo:

Paul ekiyakia loka Kristo Yesu kanuka akot naka Edeke, mama ejaas lukalaunak (Ngun kesi "lukalaunak") luejaas Epeso, kaluiyuunitos lukotoma kristo Yesu:

Kwana, mam atukot apedori aimurokin ngin, kopone ali ilomaria oni toma Kristo? Araibo kilomara oni kanuka alomar toma Kristo? Araibo itulumorio oni toma akipi kanuka alomar toma Kristo? Kopone bo ali ilomaria oni toma Kristo? Ikorinton lusodit esula lo 12, "Naarai kanuka Emoyo ediopet," Ediopet, lokapolon, E-m-o-y-o, loda erai Emoyo Lokalaunan, "kibatisatai oni kere toma akwap naka aisumunet."

18 Kotoma akwap naka aisumunet, kanginibore kere erai yeniwok, kotoma akwap naka aisumunet. Kiany ngin, Onac Collins? Kiany, Idiobore kotoma akwap naka aisumunet! Neabu Isirael kotubia Yorodan lo, alomar toma akwap naka aisumunet, arai ajiun kanginibore!

Kwana keitutu, kotoma akwap naka aisumunet, mam ngin erai akepolou ebe mam bobo ijo idekakin, mam erai akepolou ebe emamei bobo ijo ationus. Konye erai apak na ijo aswam nu (Oo! Ekoto na koloma kotoma aidules.), ebala ebe, keraas ngun nukon! Konyou kodum ngun! Kiany? Ne...

19 Ido kiitu, epone bon loetwaniaritor Isirael etunganan, ngesi ationis alomun toma atukos. Opone ngon bon atwaniara Isirael aipikor, ngesi aronis alomun atukos, ejai ibore erono kanenice. Neabu Akan okokouna ibore ice kede elou loka Babylon, abu aronis kojaun toma atukos, komunaun ejie.

Koinakinai nu—Ekanisa lo atibong kana, atukot naka itunga, aitekora, kaitekora cut kotoma aisumunet naka Edeke, kede Emoyo Lokalaunan, elosete kotoma Omoyo, eningori eong adiodeka arai ariebo, arai icebore kere yen ejai, kangin Joe Lewis loejai toma akwap na, kede akeronis kere, kede kere lumam iyuunito luejaas, ayangaun adiodeka arai ationis toma okek lo, ido enyounete kesi kanen koraas lungaleete. Eebo, ipa. Abu Edeke kijaik aisumunet, erai bon aronis naka amamus ayuun ngesi mam ecamakini. Kwana ilosi oni alomar ajenun ibore yen erai aronis ngin, akaulo naka apak nadit kwana:

Luejaas toma Kristo Yesu:

Kojai asianut mama ijaas ka ainapakin nuepote Kama ejai Edeke papawok ka Ejakait Yesu Kristo,

Kituritete Edeke, papa da loka Ejakaitiwok, loda kisirerengit oni kede arerengusio kere nuka emoyo kotoma aboisio nuka akuju kotoma kristo, — kotoma kristo:

20 Neijaar oni toma Kristo, ijaas oni kede arerengusio nuka Emoyo. Kinga naka Kristo, ijaasi oni kede isubanakineta. Kotoma Kristo kijaas oni kede arerengusio. Mam erai aisoswaikinit, mam erai ainomanareta, mam erai aiswamaun. Konye nepe itamitor ijo alimun ebe ijai ijo akwap naka aisumunet, ido komam ijai, idumunete do ijo adikanaretakon. Ido, ibore yenisodit yenekoto ijo ajenun, idumuni ijo akonikuan elimorit ibore yenimam Ngesi erai kede kere, kwape enyaritere kotoma akwap, aisoswaikinit. Idumuni do ijo ebe imameotor ijo nuilimorit ijo. Konye neijaar ijo toma Kristo Yesu, isumunikinit Ngesi ijo ainapakin nakotoma Akuj, arerengusio nukotoma Akuj, Emoyo Lokotoma Akuj, kanginibore kere erai yenikon. Ijai ijo toma akwap naka aisumunet ido kotoma airum naileleba naka iboro kere. Amen. Eipone loibusiar! Oo, aso esisiata:

Kwape abu koseuna oni...

Kwana, nee ngesi enangakina ekanisa erono noi.

Kwape abu koseuna oni kotomake...

(Kotoma kangai?) *Kristo.*

21 Idumun oni kwana ebe, kau kotoma Ageun ido kotoma Apukokinio, Apukokinio 17:8, ebe abu koseu oni kotoma kristo eroko epesikina apetetai naka akwap. Kwana, akirot ngin ebe... ber eong asiom natupakin:

...apetetai naka akwap, tetere kirauni oni lukalaunak, lumamei aitoronet da, kakonyeneke kotoma amin.

Abu kineru sek oni...

Kwana akoto eong abwoun kotoma akirot ngin ebe "Ainerunio sek." Kwana, ainerunio sek mam erai alimun ebe, "Abuni eong aseun Onac Neville, ido mam eong-eong-eong-eong aseun Onac Beeler." Mam erai ngesi ngin. Erai ajenunio sek naka Edeke na abu kojenuunia ingai ajok ido ingai mam ajok. Aso, kotoma ajenunio sek kanu ainakin iboro kere aswam ajokis mama ejaas lueminas Edeke, tetere Ngesi, kotoma aturio nupote, enyarauni iboro nepepe kotoma ediopet, loda erai Kristo Yesu.

22 Ber eong enomak yes atetemunet ace kane. Erai naejok. Ibongori oni kau, eitunit eong eneritor eong ngin edit akuare kanatubor, arai atiror ngesi, kotoma Ageun, esula 1 esula 1:26, nenyara Edeke ekekiror, "Ejakait Edeke," ejai kotoma akirot ebe El, Elah, Elokim, Ekepolou "Lojai bon." Amamei ibore yen ajai konye ngesi. Amamei ekwam, amamei aica, amamei acerit, amamei akwap, amamei idiobore kere. Arai Edeke, ido Edeke bon, El, Elah, Elokim. Kwana, abu kosub ngun.

23 Toma naka ngun ajaasi ngun nuarai Ngesi...toma naka El, Elah, Elokim lokapolon ajaasi atutuben, arai alimutu kopone kolota, ajai "Einono." Tetere idiotunganan yenidid kere edumuni, ido eong ngesi ediopet kaludidik luapedori adumun kopone kangon. Kotoma ke ajai einono loka araun Papa, konye ajai ber Ngesi bon, amamei eipone lo ti araunor Ngesi Papa. Ido, kwana, toma naka ibore kangin ajai ecebore, ebe arai Ngesi Edeke; Ido Edeke ngesi ibore yen emaio; konye ajai Ngesi bon, El, Elah, Elokim, Aso amamei ibore yen abeit aima Nges. Kotoma kangun, arai bobo Ngesi Ekalakunan, ido amamei ibore yen awoliorit yen abeit alakun. Kiany? Ido toma kangun, arai bobo Ngesi Eketangaleon, kiany, konye amamei ibore yen adeka yene abeit aitangaleun, amamei ibore yen abeit adekakin. Kwana biai idumutu yesi aputo ngin? Kwana einonoKe, einonoKe ngesi etolomuni kere nuejaas lolo.

24 Ebakasi icetunga ebe, "Ejok, kanukinyo mam edeke abu kitwobouna ngin kotoma ageunet?" Erai ngesi loerono etau konyunyurana," abala Joe Lewis, ngon loabu kotubok Joe... araibonat Jack Coe, kiany.

Abala ebe, Erai ngesi loadwar etau konyunyurana. Ebe emamei ibore kwanat kangin ebe Edeke. Korai kojai ibore yen epone kangon, ti erai..." oo, ti eong anyara Ngesi ediokiror kere, kiany. Konye erai bon ebe epedori Ngesi ajaut kede acoa kangina, konye emameotor Ngesi kede icebore kokwap kane.

Kwana, ebe, nen nges ejai ngin. Kiany? Akirot ngin elimunit kane, abu ngesi ingadak ngin. Ido nukayeayanu igwaitai kwana, kiitu, abala Ebaibuli ebe, "Ageun eroko epesikina apetetait naka akwap, aidarit aitodiario naka odwe luka Edeke," aitodiar kesi mama ejai ekanisa. Oo, ikatuan! Imisiikijo ngin?

25 Abu eong kabwou kotoma awaragat ka mot, arai ayangauni eong...abuni eong alosit toma awomisit ka naetupakini kanu adumun ngin. Kwana kiitu, anatar aturio kere nuka Musa, kau toma aturio nuka inabin, kau toma aturio kere, apotu kidaritos kiton aparasia nu nukawasia neitodiarere, kwape ejaar kotoma Aiwadikaeta. Erai ngin nakabeit, kanuka ngin apukorio mama Ajaas odwe luka Edeke. Kanukinyo? Agear kalu ewoliorito...kiton atunuru, kalimunitor eong, aiduk koyapie, koyapie, koyapie.

26 Alimunitor eong akirot na, ebe, abu Edeke kosub Ibaibulin iuni. Losodit, abu kibwaik toma apak, ebe Zodiac. Kianyunitor ijo Zodiac? Anibo enaba losodit kotoma Zodiac? Abekot. Alibo enaba lokawasia kotoma Zodiac? Leo loarai Engatuny. Abu kobu nasodit mama ajai abekot, kobuni nakiareit kwape engatuny loka ateker nako Yuda. Kiany?

Abu kiswama loyareit kotoma atunuru, okau kotoma aparasia nuka Enoka, neponi kiswamaere atunuru. Kosodete aipima kes. Mam eong amisiikinit ngin. Konye kotoma ojiisio, neapotu kesi kobwounatar kosodete alosit toma akungin kec adaun apak naewoj, kosodete aipima aojau naka ejisio. Ijeni ijo neapotu kesi kipimata kwana? Aidules airikin aboisit ekabaka. Ido kwape abu atunyuru na ikeunor kuju... mam bobo kipedori aiduk nges, kede idiobore kere yen kijaar oni lolo. Mam oni kipedori aiduk ngesi.

27 Edukunitai kuju koipone kalo, kiton adoketait. Ido amoru kokujuke...amoru nagolokinet mam aponi kodumunai. Mam apotu kibwaikisi aipucet kuju naka atunuru. Mam eong ajeni arai ijeni ijo arai mam, atunuru napolon nako Misiri, amameotor amoru napoleon kokuju ke. Kanukinyo? Aponi kongeroi amoru napolon naka agor, Kristo, amoru napolon, kiany, aponi kongeroi.

Konye kwape ipolo oni kotoma atur nako Lutheran, atur nako Baptist, atur nako Methodist, atur nako petekoti, ijai kwana oni adolior toma amoru naipucakini kwana, kiany, aidarit kede akote kanuka amoru naerapakin aijesun kwap, irikakin do aduketait. "Kisiomitor ijo kotoma aiwadikaeta, Amoru naponi kongeroi"? Naarai, imisikini oni ebe enera ngin eyekalu loka Solomon. "Konye amoru naponi kongeroi ngesi arai nakapolon kakere naka ekona." Ajai eong einer nu kanu ainakin ijo a-a-a-aputo mama ajai ijo.

Kwana, ido kotoma Obaibuli, ijari oni kotoma aparasia nukawasia, angetakinet naka atunuru, imusalaban apotu kongetakisi kotoma atur naka Engoti kotoma Zodiac, kotoma apak naka abunore naka Leo loda erai Engatuny, kotoma amoru naipucakini, ido kotoma aparasia nuka aitodiario naka Odwe luka Edeke, kotoma ObaibulI, kiany, kiany ne kwana kijai oni? Kijai kwana oni cut toma apak nakawasia.

28 Imwasi ai kayesi esiomitos apapula kosabiti kalo, nunyoka abala Khrushchev kede lucedu? Oo, ekapakinalu; kwangin oni da. Amen. Akapakina! Erai najok, kiany. Oo, ikonibo arerenguna aii, anyoenibo aparant! Korai bon ikristayon komisikis aparant najar oni kotoma! Ikatuan!

Nunyoeaka iwomit ijo? Ekewadikan loka eitabo kalo, inyo abu koany, kosodi aanyun neaponatar aitodiaror kotoma aparasia nukawasia, aidarit kede eidiny kanuka Odwe luka Edeke anyoun kotoma aparasia nukawasia, kede apedor naka Emoyo Lokalaunan kotoma angeset naka atur, apukor iboro luka aiyeiyea ageun kapetetait naka akwap, ayangaun ngesi.

29 Kwana aso abongosi kau toma "Apetetait naka akwap" bobo, kanuka adumun apukokinio, kanu anyun arai idolit oni arai mam. Aomit eong mam eong ainakini akakuan araun lomam ebusakinit koipone loanyarit Edeke ebe, "Papa," konye akoto eong alimun koipone kangon tetere yes ipedorete amisikin ejok. Papa! Papa akoto icedwe, kwana nunyoka abu Ngesi kiswama? Abu kolimu ebe, "Kojaunos imalaikan." Kojaunos airimor Nges. Oo, erai ngin naejok. Apotu komaata Nges, koraun do Ngesi Edeke, einono loka Edeke. Kiitu, arai ngesi El, (E-I), Elah, Elohim, lokejai bon, amamei icebore konye Ngesi. Ibore yenisodit abunore airimor ngesi arai Imalaikan. Ido amamei ibore yen abeit imalaikan aswam kilema aima Ngesi. Mam apedorete aolior da. Karaida adekakin, aras lumamei akuan. Kanuka ngun mam Ngesi apedori aitodiar akepedor naitangalei, mam apedori aitodiar akepedor naka aitajar. Kanuka ngun, eroko kwana ber...

30 Ido akaulo kangun, kotema Ngesi, "Keswamautu kwana ibore yen etakani." Kosodi Ngesi aismamaun akwap. Kedau Ngesi aswamaun akwap, abu kiswamau isuban kere lujaas toma akwap, kosodi do aismamaun etunganan. Kanginibore kere abu kolom kotoma akwap, ageun kede Adodok araibonat Agar napolon, ibore yen erai agar ilemo akipi, abu kogeu kanen, kiton mama ajai adodok, nada erai aijar naka okwapna itidisiara kakere naidumuni oni, eomitos ebe, ngesi adodok. Konye naikiara kakere nges etunganan. Mam ejai adodok abu kogeu kiton mama ajai edodoi, ageun kododoi kiton, kiton, kiton, ido kanginipak neabu Emoyo Lokalaunan kogeuna "Whoosh," ayengakin, kobuni aijar bobo; "whoosh," aijar naepol. Ido ibore yenisodit, abu icebore kobu kotoma asima naka Edeke, arai ngin etunganan. Emamei

ibore yen ejaunar, mam ejaunar, mam bobo esubunio bobo, icebore yeni ikiara adepar etunganan, naarai etunganan ejai kotoma asima naka Edeke. Kiany?

31 Ido etunganan, ne abu Ngesi kosubunia etunganan losodit, kwana, neabu Ngesi kosubuna ejautena loka Imalaikan, abu kosub etunganan, "kosub Ngesi kes yenikiliokit ka yeniberu," kere kotoma aimorikikina. Arai ngesi ekiliokit ido korai bobo aberu, aiberukit kede ekiliokone. Neabu Ngesi kosubuna Adam kosodi aibwaikin toma akuan, kiitu, kotoma ageun 1, abu kiswamau yenikiliokit ka yeniberu, ido kotoma Ageun 2, amamei ber etunganan lobeit akoru alup, etunganan loko toma akuan. Amamei etunganan loapedori ayangar icebore kosodi aibok alupok, konye ajai ber etunganan kotoma aputoke. "Ido erai Edeke e..." [Ebala atukot ebe "Emoyo." -Ed.]. Erai ngin abeit. Kiany? Abu kosubu etunganan losodit, "Aberu kede ekiliokit abu Ngesi kosubunia kes." Kwana, neabu Ngesi kosubunia etunganan losodit...

32 Kwana, kiitu, ngun kere ajaatar Ngesi toma aomisioKe. Ido akuare nasabiti abu eong katirorite ngun. Akirot ngesi aomisiot elimunitai. Abu Edeke koomite eipone loabeitor Ngesi araun Edeke, Biai ti kemaere Ngesi, eipone loti eraunor Ngesi Loitangalei, eipone lo eraunor Ngesi Eketajaran; Ido nepe alimuno Ngesi akirot, abu kodaun ikaru kere, Korai odwe luka Edeke kotingata Akirot ngin kwangin! Ne inerar Edeke Akirot, abu irikakin! Cut! Aticepak abu Ngesi kidarite...ebalas luangicak akiro nukolosek ebe, araibo lurereite akiro nukoingaren kede kere, eomitos ebe aticepak arai akwap naka ikaru imilionin kede imilionin. Mam eong ajeni, epedori aticepak epedori korai aritai kede aritai nuka ikaru. Mam eong ajeni apak naedaunit. Naarai mam Edeke ejauna kotoma apak. Emamei Ngesi karaida adakika adiopet naka edit ageun neadauna Ngesi alimun ngun. Esalit Ngesi erai Edeke. Emamei apak kamaKe.

Mam lem eong ajeni ngun kwangin aitodol akuare natubor, atupuruc ya, araibonat. Amamus adaun, mam erai bian, arai moi, erai kere kopekwana. Imisikinitor ijo akirot ngin ebe "Ajai"? mam erai ebe "Abu kojai," arai "Ebuni ajaun," konye erai Lomam edaun, "Ajai," kiany, "Ajai," apak kere.

33 Kwana, akoto Ngesi aibwaikin iboro toma apak. Ayangaikini Ngesi aiswamaun icebore kanuka aima, apotu InonosioKe Kitolomutu nu. Kosodi Ngesi aiswamaun etunganan. Ido kotoma otunganan, abu kosilikinite. Ido, kwana, itodun aijaneke naka aumokin, nu ajaatar Ngesi kotoma aputo kanuka Kristo kede ekanisa, mam Ngesi abu kolemu elupe ece kosodi asubunia aberu, konye abu kolemu kotoma osiepi loka Adam, amaran; kosodi alemun kotoma omoyo loka Adam, loeberuikinit, kosodi aibwain toma amaran na. Ne kiyanyunia ijo etunganan loswamai kwape ekurie, ejai icebore yen erono. Ido ne iyanyunia ijo aberu na ekoto aswam kwape ekiliokit, ejai ibore yen erono. Kiany, ejai ibore yen erono. Eraas kesi imoyon iarei lu egelegela, ediopone kere. Konye, nepepe, iswamaunito aimorikina adiopet, "luarei lu eraas idiopet." Abu Ngesi kosubu aberu kede ekiliokit, ido mam kesi abeit araun luemojongete, mam atwanare, karaida adumun akoruo, mam. Ainyam, Amasete, karaida ajo, kwape Kiswama oni, konye mam ajenete ibore yen arai aronis.

34 Kwana abuni eong ailokony ngin mama ejai aisisia ace, mama ejai ekinyomit loka Emun. Loda apotu kesi kilipata eong aaitun. Konye akoto eong icetunganan abunore aitodikin eong ibore ice yen egitara. Ngin ngesi akoto eong ajenun, kiany.

Kwana, konye akaulo naka kanu kere, edau do aronis alomun toma, inyo kwana iswamaun?

Kangina kokuju nekiara, kaju, imilion, amairon imilionin akwatat, ejai aiboisit naepol kwangin, Ido ngin nges amin naitekoro naka Edeke. Edio sawa loilamara ijo ailamaret lailo, eyudakin nenidio mot. Ido ijeni ijo ka edisiar apak nakijaar kane kotoma akwap. Erai etoribe loka etoribe loka itoruben. Ngin nges ijaar ijo, ido ngesi ajaar eong, etoribe loka etoribe loka itoriben luka amin naka Edeke.

35 Ejai icebore tomakon, ejai icebore toma kanginiberu kere naejai ne.

Kodolite ikaru akaisarei, yen ipuda asalakin. Esalitos ijo ikaru ikany bon, nges ageun kotomonakany kiton akaisarei. Akaulo naka ikaru akaisarei kogeuni ijo atwanare. Konye kotoma ikaru itomonakany, irai do ber jo atumunan ikoku agear kanen. Kogeuni do ijo ationore adolere toma okaru akaisarei. Ido akaulo naka akaisarei, Oo, ibala ijo ebe, "Arai eong kwape etunganan lokajokan." Ilimun ijo ngun alimun, konye mam ijo irai. Ijai ijo atwanare ido ijai ijo anokiari cut, mamace nuswamai ijo. Abu Edeke kitodol jo okaru ngun, konye kwana ijai ijo atwanare, konye kanen ejai ibore yen ebala kamakon ebe, Akoto eong adolere ikaru itomonakanyikauni bobo."

36 Kwana akoto eong aingit yes icebore. Idobodo korai kouritete ijo ikaru akwatakany kau, kosodi ijo asalakin irai ikaru itomonakany kiton lolo? Timam jo iyalama kede aomisio nuka ikaru akwatakany! Eroko papa loka ikalotok kebuno ne, ido korai ijo aberu naedit kede aomisiot napone kangon. Kanukinyo, ajok do ijo alosit ngaren kosodi amojong kosodi ajar ikaru ngun akwatakany. Kiany, ejai ibore yen erono.

Ipedori ijo alimun, "Ejok, kopekwana apupi eong ejok, Onac Branham. Oo, arai eong itomonakanyikauni, arai eong itomonakanyikape, apupi do eong ejok." Lominat, ber kalimok ijo icebore. Kopone bo ali ijenuna ijo eipone lokwana ejaria totokon kotoma adakika kana, araimam ngesi ejai okanisa? Opone bon ali ijenunia ijo epaper kon mam ejaritai kotoma adakikan nuikidioko, arai bonat apaperikon?

Oponebo ali kijenunia ijo ebe kotoma atupuruc mam ijo ibuni araun ates kotoma otogo kon? Kopone ali ijenunia ijo ebe ibuni ijo Alomar kinga kokanisa, kojar? Erai ibore yen erai engeso. Konye emamei ibore yen erai engeso. Arai irai ijo itomonakany, itomonarei, itomonakanyikangon, akaisakanyikarei kanukany, araibo akasakany kaongon, emamei ibore yen engeso. Mam ijo ijeni nekibwoia ijo. Konye ipuda ijo abongor toma otomonakany, otomonakany kauni. Inyo einakinit ijo aswam kwangin?

37 kwana, arai ibongu jo toma otomonakany kauni kosodi asalakin nen, kosodi amamus adekakin, kosodi mam...ekotokin ijo ajaut kede itunga kajo, naarai mam ijo ibuni apolor adepar nen, kiany. Eloseite itunga toma aturio ace konye ijo isalakini. Ebuni aroniar adepar neti kerai naarai korai ijo komojongite kede kesi. Konye ejai ibore yen enyarit ijo ajaun ngina. Ngesi amina ngin naka Edeke, etoribe ngon loda iswamaunit ijo...icebore kokuju kanen.

38 Kwana, akuare kaya, araibo atupuruc ya, kosawa ediopet, nebu Emoyo Lokalaunan, kotoma ajokis ke kede akesianut, alemar eong kotoma akuan kana, eyuunit eong, eyuunit eong. Eebo arai mam, mam eong apedori alimun, kasodi Alomar toma akwap ngin nabu eong kaanyunia itunga ngul, ido koraas kere luadisiak. Ido abu eong kaanyu itunga luebusiak kakere kotoma kalu aanyunitor eong kotoma aijaraka. Kosodi ngesi alimokin eong, "Icekakesi araas luka ikaru itomonakany kangon luka apolou. Erasi kesi luyunete kanuka ejiri kon. Mam ace karaida iluluete kesi, 'Onaceka! Onaceka!'"

Kwana, eraas ngun awate nukotoma Akuju, ebe arai kitwaka oni mam oni kiraun ibore yen mam etakani, konye kiraun oni akuan. Arai kitwana nginidiopet, arai kebulo oni ebomu kotoma adakikan nupenu, kotoma adakikan akany kopekwana edumunio oni kijai aiyogainikin kanginidiopet kede yenice kede kainu kanginidiopet kede yenice, kede acelenar kede ainyikokinit ngaren, kede ainakin Edeke aibuses! Eebo, ipa. Ido onac kede inac Spencer naiboyei kane, aomit eong kesi ekale loemojongit kakere kotoma kane, epote araun luka ikaru itomonakany kauni, arai ikaru akaisarei luka apolou. Onac Neville da ebuni araun esapat loedit, eong da araun ikoku yenididi. Ido kiraun oni kere...era i ngin cut nakabeit. Naarai arai emunaun iyekalu yen kiboiororoi oni kotoma, kijai oni kede ece loidarit."

39 Ne elomunia ikoku kama ejai totoke, kotoma aurio naka akuan, ejai ikekuan ngin yenididi arionor akekejen asomanar, kede aceda. Itimoto kanuka aitetemunet kangin, yes angor nuiroko idisiak. Konye, nepe ejaunor, ejaunos kede amorito nuka aijar

elibete. Konye nepelomunia toma akwap, ibore yenisodit, ejai ngesi aikamun ekeyengane, ido ejaun akuan naka emoyo abunore kosawa kangon mam ejai imukeru ngin. Kojalak ngesi ajalakin bon, ikeun akekou mam ejai ekising totoke kogeuni ainak. Arai mam iswamai kwangin, mam akile tikepotuda.

Ianyunitor ijo itaok nepe eurunere, nepe...katipet edumuna ngesi agogong aibwo kede akejeneke? Ingai elimokini ngesi? Alosit arimor totoke, ageun airi kede ainak. Oo, eebo!

40 Naarai, ne eyangaunere akuan naka akwap na ne, ejai akuan bobo ace naka emoyo idarit ngesi. Ido nape edaunor na...oo, aleluya! "Ido arai emunaun akuan na nakotoma akwap, ejai bobo ace idarit kotoma Akuju." Nepe kilomunia oni kotoma kana; ngin namam ekoto imaten lu alilimok luka akipi, mam enyami, mam erai naka apua nuka akwap kana. Konye eraas nukabeit, ido ipupi oni kesi ido ibuni aipup ka iyoganakinor, Ido amina kede ace kere eraas nuitekoro kangina. Ido ejai akuan ngin kidarit kangina. Erai ngesi da idiopet kangun.

Eraas kesi auni.

41 Igeuni ijo aijarokon namam edaun kane kotoma olutari. Ne ngesi igeuna ijo amamus adaun. Oo! Igeuni ijo aijar namam edaun kane. Kanen iuritai do ijo nakiareit, okoku loka Edeke. Ido naitwania jo, igeuni ijo... ne inomia ijo atwanare kotoma akuan na kosodi etau apalar aibuk aokot, kogeunete aliron nuka akuan abwoun, etoribe ngon loedit loda arai etoribe loka etoribe, kotoma atikatikat adiopet eraun etoribe loka etoribe, ido naetupakini eraun etoribe, ido naetupakini eraun airwakakinet, ido naetupakini eraun acilasit, ido etupakini koraun ecilet, ido etupakini koraun do angolol, ido akaulo nadit idumun ijo ebe ibwoi ijo koingaren naka kaluminan kon ebwoete kokuju kangina, enapitos inapen luka akuan nakotoma Akuju, ido ipedori ijo ajenun kanginidiopet, amina da nginidiopet, ibongori do bobo jo mama ejai etunganan loedit kede aberu naedit. Erai cut ngin nakabeit. Aidarit kangina aitodol abongun naka Ejakait Yesu Kristo. Ido kadiope paran akuan ngin naitubusikinitai nakeng... kwana kiitu, erai ber ya akuan naka Akuj, mam erai natubusikinitai, nakotoma Akuj. Ido adiope paran akuan ngin nakotoma Akuj ebuni ajalakin Akuj kede Yesu.

42 "Naarai kalimokini eong nu mama ijaas yesi," Isesalonikan luareit esula 5th araibonat Isesalonikan losodit, esula 5th, lokarai loce, "Alimokin eong yes, mam eong akoto yes aolit, inacana, nuka kangun kalu ejotoete, kinyeis aiyalongo, bala ngun luemamei amuno. Naarai arai kiyuunit ebe abu Kristo kotwana kosodi ajarun bobo kaparan nakiuniet, karaida ngun luejotoete kotoma Kristo ejangaun Edeke kede ngesi. Naarai kilimonokinI yes nuka aicorakineta nuka Ejakait, ebe oni lukijaar luipaikinit kiton abunore naka Ejakait, mam itikokini" (Erai ngin akirot najok) "Aitikokin ngul luejotoete. Narai eruikin arupepe naka Ejakait, ido ngul luetwakitos kotoma Kristo kesi elingete ajarun." Awate nu nukotoma Akuj ejai ajesun

toma akwap abunore ainap awate nukotoma akwap nuitubusikitai. Ido oni lukijari luipaikinit kijulakinio kotoma apak, bala airwakakinet naka akongu, ido kiuruporio nepepe kede kesi, airiamun kede Ejakait toma okwamin."

43 "Mam eong abuni aimat nuka ebiino loka araito karaida ainyam bobo cut kiton ainyam kede yes kotoma ajakanut nakitetet naka Papaka," epucit loka edukone. Adaun ikaru iuni kede atutubet kojai do lokasurup loka Kristo airikakin ekewamae, omudiarete akwap kere, konyaraunitete Iyudayan, kitodiar do Yosep mama ejaas Imo, araibonat Iyudayan, kiitu, nepe itijenunor Yosep koinacanake, emamei bobo emoit loeroko ejai. Neabu ngesi ijukara...ijeni ijo akiro ngun. Yosep, loda erai aitupuset naitekora, koponesio kere. Ido neabu Joseph ijukakina onaceke, kosodete kesi abongun, kosodete kesi aireikin kaanyun Benjamin, kosodi ngesi aanyun kesi kangina....kosodi alimun ebe, kanukinyo, ikesa yen! Abeit oni ayarar onacewok, Joseph," iyudayan aanyun ebe apotu kesi iswamatos aibucarete; kwana nabunio kristo, nebunio ngesi aitejenar mamakec. Ido arai Yosep loeleleba, ayangaikini ngesi aimony, nepetai, abu ngesi kotwara akeberu kede ikedwe, kede ikedarak kede iceda kere, abu kijuka kesi toma Togo loka Ekabakane. Erai ngin cut nakabeit. Ido koingarene naka Iyudayan bon, abu kolimu, Arai eong Yosep, onacekus. Arai eong onacekus." Kosodete aibiror kwap kosodete amarana, kobalasi ebe, "Kwana kijeni idumun ngesi, naarai cut apotu iso kaarasi onacekosi. Apotu iso kalimutu ebe apotu iso aarasi onacekosi, ido kwana erai ngesi Ekabaka loka aumokin."

Kolim ngesi ebe, "Abu Edeke iswama ngun kede apeleikinet, kanu aitajar aijar." Ngin ngesi apeleikinet naeswama Edeke ngun, kanu aitajar oni Imo. Konye ajaas ido Imo Togo loka Ekabakane. Hallelujah! Araun loagirete inacan ke, Yosep, abu kojanga Ateran; ido aketeran arai Amoit, mere Ayudayat. Erai ngin abeit.

44 Kwana, nejai ijo kwana Alomar? Akaulo nainapakina oni awate ngun nukaibuses, ido kede atur naumokina nabunit; neda awate nu nukaibuses, awate nukotoma akuju neitanapere nukaibuses. Idum ijo nupeleikinit eong kanen? Apedor do eong alosit kasodi atemar ebe, "Onac Neville!" bere eong ainak yes aitetemunete. Alimun eong, "Onac Humes, aloto bere lolo oni nejai papa atupurucuna." Erai ngesi Edeke. Ijeni kwana oni ngesi, erai ekelakunan, eketangalan.

Mam ibore yen ejaunar bala asubunio naka aronis. Mam ngin elosi cut ejok, elosi cut? Aroni mam erai esube. Mam ipaa! Aronis erai aitapario. Ejai ekasuban ediopet bon, ngesi Edeke. Aronis ngesi adolit itaparitai. Inyobo adoteu? Adolit itaparitai. Inyobo aingala? Abeit mam einakinitai ejok. Nepetai. Inyobo akirot naka Ekenit? Ngesi arerengu naka Edeke ibelokinitai toma akirot naka ekenit mamajai Edeke, abois naka arereng. Mam aronis erai esube. Erai aronis aitapario. Mam Satan apedor aisub aronis, abu ngesi bon itapaa ibore yen abu Edeke kosubite. Erai ngin cut nakabeit. Atwanare erai bon aitapario naka aijara.

45 Kwana, komisiik nu—komisik nu. Ido abuni eong akwenyun, kasodi alimun, "Onac Humes, ekoto ijo kede eong, kede Onac Beeler kede ice kotoma Oinacana, ibuni oni alosit ne ejai Papa Edeke. Kasodete alimun, ebe ajaunos ber kede esapali loedit. Yes isap apotu kominasi imor neijaatar yesi..."

"Eebo apotu yes kominasi."

"Oo, ejaas amairon imilionin aikiar ngina toma akwap nakitetet. Koloto ngaren, kiiriata kotoma kec."

Ebeit eong...?...akolong kanginipak, aikeun kuju. Abuni Eong yes neineratar. Nepe eroko kesi inerasi, abuni eong ailar yes." Isaia 66. Erai ngin abeit.

46 Ido ijeni ijo, ajai eong alosit kinga aitorit ngina, oni kere ilosit kinga kangina adau nepetai ikaru akwatakany. Alosit napedit, emilionit, mam iswamauna adiotieketai, kiany. Ido kwana—esubit ngin bala einer loemunarar akou, konye erai abeit. Kiany, erai cut abeit, naarai emamei apak, erai do amamus adaun. Ido na alosia eong kinga ngina, alosi eong kangina, konye ijeni ijo yeneriamunor eong kangina? Alimun eong, "Ejok, arai emameun inac Georgie Bruce! Kanukinyo, inac Georgie, adaun apak naepol ageun ne aanyunia eong ijo." Konye esalit kopekwangin. Kiany? Epedori ngesi korai ikaru imilionin itomon luka apolou, konye kosalite edit kwape kwangin kwape ajaar. Epedor ngesi korarap ice opurake, ido ne angoliara eong ngina, arai erisa, engatuny.

Kalimuni do eong, biaibo jo atupurucuna, erisa?"

"Meow," bala ikoku ikapa. "Oo, abu eong ajai enerasi kede ainacan ace kalaije kotoma aturok kangina, apotu kajaas ngina adaun nepetai ikaru akwatakany, kiany, iseseni airimor." Kwana, eruo ngin bala abanganut, konye erai nakabeit. Erai cut. Kopone ngon ngesi apeleikinitor Edeke.

47 Ejok, kisirerengoi ekonitau, Inac Georgie. Emamei bobo aimusungio kangina naebuni, emamei bobo icebore. Kotoma atibong ilosi oni kuju naka emoru, kasodete alimun, "Wu Papa Edeke, abu eong aoliorite. Oo, abu eong ajai toma aronis, Papa Edeke, ido abu Ijo kitajar eong."

Kanukinyo, itunga luapas aitodun luapotu koloto aikerepikin. Ejok, etunganan ngol loewadikai atutubet nakawasia naka Wu amina naka Edeke, nuda ewadikatai arwatat naka aboisit naesisiaere, loda abu kotama aitetemun amina naka Edeke. Eipone loabu Ngesi kobunia aitajar ikadiakanarak, kede eipone

loabu Ngesi kiswama, aminaKe na abu ijesun aitajar ijo kede eong. Einer nuikamunitos aima, mam Imalaikan ejenete nuikamunito ngun! Aima, nges bon ejeni Emalaika... ebwoi ngesi kangina kosodi aipu akebebenoka kau kede ngaren, kede aitub, "Hallelujah! Hallelujah!" konye, Oo, aitimio! Kotoma ajenun abu eong kaoliorite konye kwana adumun, abu eong katwanite, konye ajari bobo! Wu Edeke, arai eong adiakar, abu eong emodokok, ido abu eong kajai aipany!

48 Nu kes nukajokak kakere nupedori ajar ainakin ijo. Ilositor kere ka ijo kwap laiye aiboisit nabukonokinio ekia loiswagere ikela? Erai aiboisit na ewur kakere nadolitor eong. Apuru ngin namojong inakini eong adekakin ne engununa eong ngin. Apero kokwapa kanen kotoma apuru kangin kere namojong, adekakin noi kotoma akoik kon, bala aibeleun toma kinga, akaulo naka aimat akinyet naka castor. Kiany, adekakin noi kwape ipedoria ijo! Ido imirio akerit kamakon kere, aitam ainyam kereka ijo. Ido ngin ngesi adoketait naka ajar. Ido icetunganan abunore kosodi adolokin ijo kede alemun. Ido kojai ijo imojongit komam ipedori aingarakin ejautenekon. Ido alemun ijo kosodi aibelokin ijo araun yen ikaru itomonakany kauni, kosodi asipokin ijo cut kuju moru, kotoma angaleu naitekoro, ikatuan, eyengane lokajokan loka ekwam loejok, akip numatan nuelilim. Ikotokin kereka bobo ijo abongor toma aipany ngin bobo? Mam, mam, mam, mam ibogori bobo toma aipany ngin.

49 Kwana, akepolou ngesi ngin, opapero. Ngin ngesi aitapoet ngin, arai aijulunet, kere naparaun, aitapoet. Apedori eong alimun ebe aitapoet, naarai akuriana eong ebe abuni eong aituigin icetunganan kanu alimun ebe aijulun, ngun ngesi arai ngin. Kwana, nen ngesi...ngesi abu Edeke kiswama kanu ayangaun odwe lusap kede lupesur mamaKe. Kwana, lukangai bo itunga lu? Biaibo apedorata kesi...Biaibo apedorata itungalu adumun ngun? Biai bo iswamatotor kesi ngun? Edeke, kotoma ageunet, eroko kesuba karaida edimalaika...idibo kayesi ejenete ebe erai Ngesi lomam edaun? Arai mam Nges erai kwangin, mam do Nges erai Edeke. Kwana, Edeke, kotoma aitimike namamei esange, abu koanyunite Lusiper ebe abuni aswam ngun, arai erai Ngesi asubi ngin. Abu kocamac kesi ailajara naka asekun ibore yen ipudas kesi, ngol ngesi ejautene. Ido iroko oni kijai nen, erai ngin nakabeit, ekitoi loka ajenun nukajokak kede nukaronok esipokinitai ngaren kanginidiopet kere kotoma kaoni, ijo ayangar akonasekunet. Ido Lusiper ngesi losodit ayangar erot lokaronon. Kogeuni aitam ariakakin kede ngesi, amariaun, aitam ayangar kere kanuke bon, aitam aitelekar icetunganan. Ido nen ngesi abu kogeara. Edeke, kotoma aomisioKe numam enagete, abu koany ngun, kosodi aanyun eipone ediopet bon...

Kwana, yes inacan lukateriniti, mam eong akoto aimusung yes, konye biai kotoma okiror lokajokan loka Akiror naka Edeke ipedoriatia yes atiakar Yesu awai kwape etunganan loegitara kama ejai Edeke Elopel? Korai Yesu koyangarite icetunganan kosodi ainakin ngesi alosit atwanare, kanu alakun etunganan lokane, tido Nges eraun etunganan lomam ejok. Ejai eipone ediopet bon loepedoria Edeke aswam ngun, Ngesi elopet ayangar aboisit ngin!

Ido abu Edeke koraun akuan ebe tetere Ngesi da Elopel iiri apipilu naka atwanare, alemar etidot kede atwanare awai kamawok, tetere oni kilakunio kede LuKe. Ido kwangin ngesi amaere Ngesi ejok. Arai Yesu etunganan, abeit arai Ngesi. Arai Ngesi etunganan, e-t-u-n-g-a-n-a-n, lokauriei abekot Mariam. Konye Emoyo loajai tomaKe arai Edeke komamei aitemis, kotomaKe ajai aileleba kere naka Edekeone kotoma akuan. Arai Ngesi Yawe-yire, arai Ngesi Yawe-Rapa, arai Ngesi Yawe-manase, arai Ngesi Yawe; ebukuwok, aupal wok, Ekelangaleunan wok; erai Ngesi alupa, ka Omega, ageunet kede esange; arai Ngesi losodit, lokawasia; ajai Ngesi, loda ejaun, ido loebuni; aliasit kede etatait loka Daudi, aicerit naka atupuruc, kanukinyo, arai Ngesi kere kotoma kakere. KotomaKe ejai aileleba naka Edekeone kotoma akuan!

50 Ido ajaatar duc atwanare kede etidot, lo atodotoda itunga, "Ah," ebala Ajokit ebe, "Adau eong adumun ijo, naarai ibu ijo kopupok eong. Atodi eong ijo, Abuni eong aibwaikin ijo ates. Aokot ngun nuka imerekekin mam bobo epedorete aingarakin ijo cut, eraas ngun bon aokot nuka itiang." Konye Edeke Edeke, kotoma acoake, abu kojani ebe ajai Imerekek yen abunit, yen aaritari eroko epesikina apetetait naka akwap. Eebo ipa. Ido kesi...abu kidarite apak ngin, kanuka aileleba naka apak adolun.

Konye apaaran neadolunio Imerekek, etunganan lo, Satan aponi kibangibangi. Abu kongolia osiepike, kobala ebe, arai kirai ijo Okoku loka Edeke, kiswama nu. Arai irai Ijo Okoku loka Edeke, eswamau ber aumokinet kasodi eong anyun ijo iswamai ngun. Uu, uu, abuni eong ayenikin acapa oreteke, ainom ijo. Arai irai Ijo enabi, kolimokinai isio ingai kinomojo." Huu! "Mam eong —mam eong eyuunit ebe Ijo nges ekesa. Arai irai Ijo, kolimokinai isio ejok eipone loijaar Ijo." Kiany, kere koipone kangon. "Oo, kolimokinai isio ingai ber Ijo!" mam cut abu kongaa akitukuKe. Oo! oo, biai abu Ngesi kolemara emukule akonyeke kangin!

51 Abu Ngesi kongolia nejaas ikiyakia, kosodi alimun ebe, ti Eong enerakinos kede Papaka ido ti Nges Kijuku mamaka ikodeta itomonarei luka Imalaikan, korai Eong akoto." Mam Pilato abu kopup ngun, ijen ijo.

"Arai irai Ijo! Arai irai Ijo. Oo, mam arai ngesi. Kanukinyo, koanyu ijo nges eyii. Ei, ice kayesi kotoma osirikalei koloto imuanakis Nges aimula oreeteKe." Imuanakis, kokeniatar Nges, korwetununu ekemasurubun nueleleba Akan koreeteKe. Oo, mam nges erai! Kwana, mam cut ngon erai ngesi! Abuni

eong aikamakin etidotoka mamake, esapat. Adumuni eong nges kangina. Adau eong adumun ijo kwana!"

Kotoma omanikor loka Geteseman, abu ainyonyokinio kojalak Nges, ijeni ijo, ayangaikin Nges atwanare kwape ekadiakanaran. Abu kotwana erai adiakanaran, kijeni ijo ngun; mam kerai akadiakanarete, konye kanukon kede kanuka. Nen nges alomunia amina toma, eipone lo alemara Ngesi nuka! Oo, Hallelujah! Eipone lo alemara Ngesi nuka!

52 Ido ngesi ngin kanen, mam Nges apedori angaar akitukuKe. Ngesi abala etidot, "Ijen ijo, eyuunit eong ebe arai ngol etunganan loadoketait kana okwap. Mam auritai Nges kotoma abekonut, naarai ekamak eong ekatidot mamaKe."

Ido kane kobuni ngesi, kosodi aicumakin eketidot mamaKe, konye arai ngin apak naroronon, esapat! Abu kolemu eketidot kosodi autor awai. Mam bobo apedori aiyatakin aitodol bobo agear kanen, abu kojalak eketidot kanen. Abu kojaru kotoma aparani nakiuniet, kosodi alimun ebe, "Arai Eong lo abu katwanite, ido ajari bobo, ido ajari ikaru kere, ido ajaatar ilaceta luka atwanare kede egeena." Eebo, ipa. Abu kokurwok anyuun ebe ingaibo ngol. "Ido naarai ajari Eong, ijarete yesida. Mam ber kwana etakan..."

53 Apaaran adiopet, aparasia auni arai aongon akaulo kangun, akaulo na adokara Ngesi mama ejai Papa, abu bobo kobongu, kosodi konyet Ngesi atemar, "Oo, ngesi...nges-erai ngesi loitunguriani ido itegelikina. Ekoto ngesi korai ibore ice yen itukuriani ido kitegelikina kama ejai ekesalo. Ido oni...apotu kanyutu ngesi. Abu ijo koany aitapoet."

"Mam, arai Ngesi Yesu lokabeit."

Kobala Tomas ebe, akoto eong aanyun aKekanin, kede icebore kere, abuni eong alimokin ijo arai Ngesi Ngon."

Kotema Ngesi, "Eong Lo." Ebe, ijaatar kereka yesi agaria kede imugatin? Koinakinai imugatin." Ido aponi koinunai Ngesi emugati, kobwo Ngesi kanen kosodi ainyam nges. Kobala ebe, "kwana, biaibo enyami kereka emoyo kanyamia eong? Ejatar kere emoyo kede akuan kede kede akoyo kajatar eong?" kiany? Abu nges kolim, Eong ngesi ngon. Arai eong ngun."

54 Abala Paul ebe, "mam ber kopekwana etakani ejok eipone loka akuan naibunni oni ajaunor, konye ijeni oni ebe ibuni oni ajaun kede akuan naputosi kede naKe." Inyo? Ejaunar kere ngesi kede akuan nakotoma Akuju? Eebo, Ipa! Ne abu kotwania, abala Ebaibul kwangin "Nges," erai alimuneteke bobo, "abu Ngesi kolot kiton okatwak kosodi alimonokin imoyon lujaas aidaris." Hallelujah! Oponi bo ali eswama Ngesi ngun? Ajaatar Ngesi kede apupet naka ararapar, ajatar Ngesi kede apupet naka aipup akiro, ajaatar Ngesi kede apupet naka ainer, abu kolimonok kede akuan naputos kede nabu eong kaanyunite ngun luka aibuses kotoma akuare kaya. Abu kolimonok mama ajaas itauno lujaas okatwak, lumam apotu kitoronokinos kotoma apakio nuka atitingikin naka aparasia nuka Noah.

Konye nejaruna Ngesi kotoma aparani nasodit naka esabiti, mam arai napedori akuan ngin anyun aiboso, narai Daudi lokera enabi abu kodaunite aanyun ngin, mam eong ajalakin eketau kotoma okatwak, karaida ajalakin lukalaunak ka aanyun aibos. Karaida akakuan iyengun kotoma amuno, naarai mam ngesi ejalakin ekatau kokatwak, karaida eong ajalakin lukalaunak ka aanyun aibos." Ido kotoma osawan akaisakany karei kanuarei eroko aibos edolokina Nges, akuan ngin nakotoma Akuj, akuan ngin nakotoma Akuj na abu kolot alimonokin mama ajaas itaun lujaas toma aidaris, luma apotu kitoronokinos kotoma atitingikin naka aparasia nuka Noah, kojaru bobo, kosodi naebosi ainapa amamus aibos, kosodi aibwo kosodi ainyam, ido kosodi alimokin oni ebe arai Ngesi etunganan. Hallelujah!

55 Koipone ngon ngesi kianyunia oni ngesi, Onac Evans. Nen ngesi iboikinor ngesi oicolong loka Daudi. Hallelujah! Nen do ngesi kilosio oni lailo kalaije ido kwap nekwana, abun eong ajaun osapali kede ijo aitub imoru adaun ikaru emilionit, kiany, aparasia adis bon, adakikan adis ngun bon, ibun oni atubor laiye.

Ido karai edolu esawa loka ainyama, ijen ijo, ibore yenisodit ijen ijo, abala inac Wood ebe...kabala eong, inac Wood, ejok, aibodo abu ijo kojai apac ngin kere? Mam eong kanyunit ijo adaun...esubit kamaka bala idakikan itomonakany."

"Oo, erai ngin bala ikaru ilukumin iarei kau, onac Branham."

"Uh—uuu. Biai boipupia ijo?" Oo, narai emamei ibore yenipup ijo konye ajokis bon.

Kobala ebe, kobia, isapa, akoto eong aitodikin esu icebore, inacan, inacan ka luminan. Nangesi atapara naka akipi kane, nujokak kakere nuipedor ijo aimat. Ido, Oo, ejok ipedor oni adumun imaten luelilim kane. Adoli do eong ngina kasodi alemun araito, kasodete oni kere aiboikin ngina kasodete ainyama." Mam kereka ngin erai nakaumokin? Erai ngin nakabeit erai. Ngesi ngin.

56 Kopone bo ali kidumuna oni nu? Kopone bo ali kijenunia oni ngun? Edeke, eroko epesikina apetetait naka akwap, abu kineru sek kanuwok! Ingai? Ngun luejaas akwap naka aisumunet.

...Abu kineru sek kanuwok aitaraun oni odwe kotoma Yesu kristo...kwape esialamikinitor akoteke,

Kanuka aiturit naka aibuses ke...

Tetere oni kitur ngesi kwape abalar ngesi. Ngin ngesi naarai ngesi, Edeke. Ikoto oni aiturit ngesi.

....aiturio naka aibuses ke naka akesianut,

Neda abu Ngesi kitarauna oni luecamunitai kotoma kalominat. (Kotoma Kristo ngesi kicamunitere oni.)

KotomaKe ngesi kijaar kede alakunio kotoma aokot ke, aitimio naka a-d-i-a-k-a-n-a-r-e-t-a...

57 Eyangaikini eong abongor toma aitaraunio odwe, konye akoto ber eong asalakin toma "Adiakar" ne adaun adakika. "Aronis" imisikinitor ijo ngun? Ijen ijo mam Edeke etubokini adiakananan kanuka adiakana? Konye etubokini ngesi kanu adiakana. Arai emat adiakananan esigala, mam Ngesi etubokin ngol kanuka angun; erai ngesi adiakananan, ediopone. Kiany? Kinay? Emameotor ngesi adiakaret adio kere, emameotor adiakananan, erai ngesi adiakananan, kiany, emameotor ngesi adiakar adio kere. Konye ijo ijaatar adiakar, ijo kere yen irai ikristayot. Komisik ijo Ngesi kane inera mama ejai ekanisa. Aidarit ngin koriora. Kiany? Kiany? "Aitimio naka adiakana," A-d-i-a-k-a-n-a-r-e-t-a. Iswamai oni adiakana. Konye adiakananan erai adiakananan, mam Edeke itimi ngol.

58 Kwana ipedori ijo alimun, "Ejok, abu ngesi kolot kosodi ainom etunganan. Nunyoka ilosi ijo aswam kanuka ngun?" mam ngun erai nuikamunitos eong. Mam eong arai ekesiteteunan, arai eong ekalimonokinan. Ekisil ngesi iswamai ngun kere, eraas ikesiteteunak. Eraas... "Ejok," alimun ebe iswamata ngesi adoteu." Ngun, ikamunito ngun ekisil. Ejaas ngun kiding ngesi kede ekisili. Mam eong arai ekesiteteunan, mam eong esiteteunenei itunga. Konye akoto eong kesi bon aibelokin. Arai eong ekalimonokinan, kiany, akaswam ngesi aitodolikin nges mama ejai Edeke. Arai ediakarit ngesi, ikamunitos ngun ngesi, erai ngesi ekadiakananan. Etubokini Edeke nges adoketai nakokuju. Naarai nasodit erai ber ngesi adiakananan, nasodit etubokinitai ber ngesi. Mam ber nges ejauna adoketai karaida nasodit, emamei ngesi kanenidio kere. Erai ngesi ekadiakananan nasodit ber. Emameotor ngesi adiodiakaret, erai ngesi ekadiakananan.

59 Mam ijo ipedori alosit kinga kosodi atemar ebe, "adoketai na erai akuare, ido adoketai na mam erai akuare." Mam, kere erai akuare, bon ebe akuare. Ngun kesi abala Edeke. Erai ngin nakabeit." Erai bon adiakananan, kesi ngun bon. "Kwana, abu kismama nu, adoketai na erai akuare, kere erai akuare, kesi ngun bon. Kiany?

Mam eong apedori atemar ebe, "atutubet nakane erai aica." Mam, erai kere aica, kiany, mam ijo ipedori alimun ebe etia bo aii. Kiany? Konye arai ejai amasikinet kotoma kanu, ejai do kwana amuton toma kangun.

60 Kwana "Adiakana," A-d-i-a-k-a-n-a-r-e-t-a, ijai oni kede aitimio naka awok adiakana kotomaKe (inyo?) Aokot, aokot nuketiai loepol.

....kwape ejaar abara naka ke...

Biai do kimurwokinatar ngun oni? Naarai ibusakinit oni, iswamat oni icebore kanuka adumun aitimio naka adiakana wok? Ake nyo?

.....asianut;

Oo, ikatinganan! Emamei icebore akananika yen ayangaunit eong, Ejakait. Emamei ibore yen eswamai eong, amamei ibore karaida idiopet yeneswamai eong. Koany! Abu kinerusek kanuka, abu konyarau eong, abu koseu eong. Mam eong abu kaseunite Nges, Nges abu koseu eong, abu koseu ijo, abu koseu oni kere. Mam eong apotu kaseutu Nges. Abala Yesu ebe, mam yesi apotu kosetu Eong, eong abu kaseu yes." Abala Ngesi ebe, "Emamei itunganan yen ebunI mamaKa dimikito arai konyarau nges Papa, ido kere lueinakinit Papa Eong epote mamaKa. Ido emamei yen ewoliori, kilema bon okoku loka apar, kanu ailelebikin ekokoro." Kiany ijo? Abala ebe, Konye kere lukainakinit Papa epote mamaKe."

61 Oo, ajai eong aiyap noi, mam kere eong ajai? Ido mam eong Alomar kotoma kanu. Mam ber eong ageunit ainer kotoma kanu da. Ber eong esunyak, ebeit eong adolokin atiror icebore kane katipet noi kane, kasodete oni aisunyak. Ebeit eong abongor toma aitarauno odwe kotoma adakika. Oo, ipedorete yes aitim eong adaun bala adakika? Adumutu ber oni nakane, icekotoma kotunga kalu eraas luko Georgia kane kanuka lolo bon, kisirerengoi ikecetaon. Kwana, onac Georgian, kede Texas kede kere nebunitor ijo, kopupok mama ejai Ekokoro loikanyet. Kasalakisi ber toma adaun adakikan adis.

62 *Adaun ainerun sek oni araut—araut..*

Inyo apolou akirot kangin ebe "Araun" apolou, akirot "araun"? Apolouke erai ibore yen ebeit oni

adolokin araun, araun. Ajai eong adolokin mamajai atan. Ajai adolokin eicolong." Humes kidum ijo ngin? "Ajai eong alosit adolokin abao."

Kwana, abukinerusek oni aitarauno odwe mamake kanuka Yesu kristo kwape ejaar ajokis naka akote, ke elopet,

Etia bodo arereng ai? Araibo akote kangai ngin, ajokis bokangai ngin? Luke obe. Ajokis naka akoteke elopet.

63 Kwana, inyobo aitaraunio odwe? Kwana akoto eong alemun ngin kwana, mam eong ajen arai...mam eong adumun apak nakaitor toma kangin, konye abun eong atiror ngin. Ido arai ejaun aingiset, ibun ijo aingit eong akaulo naka apak adio kotoma aisiraret, icebore, kopupok. Aitaraunio kon odwe mam erai aurio nakitetet, Yokana 1:17, acamunit eong, neurunere oni kede Emoyo loka Edeke, kirai do oni odwe luka Edeke. Konye inerunitai kanuwok sek. Kwana ibore yen atamit eong ainakin ijo ngesi yen, naarai odwe luka apak nakawasia, kiany ijo, kanuka...aanyun? Inerakinaitai oni sek kanu (toma) aitaraunio odwe.

Kwana, kwana ne ngesi ijai oni. Kwana, na ngesi imusungi ipetenkotin mot. Ebalas kesi ebe, "Euritai eong nakiareit! Ituritete Ejakait, ajaatar eong Emoyo Lokalaunan!" Ejok. Irai ijo ikoku yenika Edeke. Ejok ngin. Konye karaida mam erai ngin ngesi na ajai eong einer nuke. Kiany, aponi kinerunai yes sek aitarauno odwe. Aitaraunio odwe, erai asipokin okoku.

Ajai eong ayapikin toma kangin,' naarai abu Becky kalimok eong ebe abu eong kayapik ngin, mam yes ipupete kokau. Ajai eong....

Koany,

64 ikoku. Imwas ai luejenete ikisila luka aitaraunio odwe kotoma Aitutuket Namojong? Naarai koany ijo, kianyunitor ijo. Eurun esapat. Acamunit eong eneritor eong kotoma asiiraret ace. Inyobo ngin, ikinyomit, iitunit ijo? Ejai ngin toma ateepu. Oo, inyo bo ngin? Ecakitor eong ibore ngen. Oo, ee, adum eong ngin, kiirasi Nges. Kiirasi yesi Nges; aitarauno naka odwe.

Kwana, kotoma Atutuket Namojong, ne eurunere ikoku kotoma okale, erai ngesi ikoku euruno, naarai aurunio ngesi kama auriakake, eurunitai ngesi toma okale ido erai ekeruman loka iboro kere. Kwana, konye okoku ke aponi kitopolounai ngesi kama ajaas iketutuorok. Igalatian, esula 5 ekokoro 17 kiton 25. Ejok. Etopolounitai nges kama ejaas iketuturok, eketopolounak, ikesisianakinak, kwana, aanyunet, arai ejaun eong esapat eurunio, alimun ebe, arai eong papa ido...

65 Ido ngesi idumuna ijo kotoma King James, imwaas ai eomitos bala esiomete nuitegelikina kotoma aijulunet naka King James, ebala ebe, Togo loka Papaka ejaas aiboisio nuipu"? Etogo, aboisio nuipu. Kiany? Abeit kotoma apakio nuka Ebaibuli aponi kijulunai kanuka ekabaka Yakob, Etogo erai "airumet." "Toma Togo loka Papaka ipu airumeta ipu aboisio." Mam erai toma Togo, aibois, konye anyaritai ngesi ebe Papa loka airumet. Ajatar kesi erai naka eipone loka Ebaibuli, kotoma Obaibuli eipone ngon nges ejaar.

Arai ejaatar papa kede emanikor loepol loedolit amisirin elukumit, araibonat icebore kere, kojatar ngesi kede itunga luboete kanen. Ipagisaite ngesi akanin aibois kanen aidar amerekekin, kojatar bobo ice laice aidar akituk, kojatar bobo ngesi ice ne luda apotu koloto ne imukurur amairon bala akwatat awai, kojatar bobo ngesi ice laiije aidar akinei, kojatar bobo ngesi ice ludarete asigirian kede iceboro luegitigita. Ajatar ngesi nepetai ajakanut napapol. Ido Kojatar ngesi kede asigirian kosodi ngesi aiteker kesi airimor anyuun nginidiopet kwa ejaar aswamuke, amerekekin elemanaro kede iceboro da kwangin. Amamei ngesi apak...

Mam yes ipedorete apupun eong arai anyou eong kangina. Abuni eong aitam asalakinit ne. Konye ipupete yes eong ejok kwana. Kane? Koany.

66 Abu ngesi kobongo, kosodi alosit awai, etamit airere akejakanut. Kwana ekoto ngesi... esapat lo elosi araun ekeruman loka iboro kere yen eजार ngesi. Erai ngesi ekeruman.

Ido ne eurunere oni toma Ajakanut naka Edeke, kotoma Yesu Kristo, kirai do oni ikerumak luka Akuj, ikamorak kede Yesu Kristo, naarai abu Ngesi koyanga ekoniwai. Abu Ngesi korau oni (aronis) tetere oni kiraun Nges(Adolit). Kiany? Abu Ngesi koraun eong tetere eong araun Nges, kiany, ikamorak nepepe kede Ngesi. Ejokak ngun kere, kwana kiitu ebe, mama ejai nginidiopet kayesi.

67 Kwana, kiitutu, abu Edeke kinerusek kanukon, kotoma ajenun sek, ebe ibuni ijo toma kangun. Kanginidiopet kere yenemisikinit ngun, ikiya akonikan, kiany. Edeke, kotoma ajenunuKe, abu kinerusek kanukon ijo abunore toma akwap naka aisumunet. Inyobo erai akwap naka aisumunet naka ekristayot lolo? Ikia ber ijo akonikan kuju arai ijeni ijo. Asumunet erai kanukon kede ikonidwe, kede kere luelwaka. Ido ejaun kotoma aparasia nukawasia, ebala Edeke, ebe abukokin eong Ekamoyo mama ejaas awate kere, odwe kus kede adwe kus." Ido kotoma Isaia 28: 18, acwinyakinet toma acwinyakinet, ekokoro toma okokoro; ne adis lailo adis, kosalak toma kangun nuejokak. Kede akituk na engajepono eneratar

eong kede itunga lu. Ido na nges ayengun, aiyengun, akwap naka asabato na abu eong kabala ebe elomarete kesi toma. Ido kede nu kere, mam kesi epedorete apupun, konye apotu kijangijangata akecekwes kosodete alosit awai, komam epedorete apupokin ngun." Kiany? Kesi ngun.

68 Arai ngin inyo? Kwape itungan kangun luanyounete alosit erot kec kiton Kanan, araibo kotoma Misiri, eroto kere kiton amoding, ido kosodete adolokin ayapikin, die kiton aiir araito nabuni kotoma akwap. Onac, kane, itunga lu akotosi eong ainyakun ngun bobo, ngun nujaasi toma Iburanian 6. Biai ti eswama eong ngun? Ngun iyuunak lukokoro, mam cut epedorete atubor laiye! Mam epedorete atubor okweka. Abala Yesu, "oni..."

Abalas ebe, apotu lukapapakosi konyamata emanu kotoma amoding."

Kobala Yesu ebe, "kesi kere, kanginidiopet, etwanit." Ngesi atiakario. Kesi kere, kanginidiopet, etwanit. Erai ngin abeit. Ebalu Ngesi, Konye arai Eong Emugati loka Aijar loabuni kane ejai Edeke kotoma Akuj. Itunganan yen enyami Emugati lo, mam etwani. Erai nakabeit. Eebo ipa, ejatar ka Aijar naka ikaru kere arai Kenyam itunganan ngun, Eong ngesi ekitoi ngon lokotoma omanikor loka Eden."

69 Kwana koany, itunga lu apotu kikunyutu noi die! Kiany, arai kimisik ijo kotoma Iburanian 6, mam erai ebe abongor toma kangin, konye kotoma Iburanian 6, "Itunga luapotu koraas ikamorak, apotu koaputu die, kosodete aiir ainakinete nakotoma Akuj." Apotu kojaas toma, apotu koanyutu aitangale naka Edeke iswamai, apotu koanyutu itunga luajai apedor naka Edeke, koanyutu da aijar ijulakinio, konye mam apotu kibwaikisi Akan toma. Mam, ipa, mam, ipa. Ido kiirata apedor naka akwap nabunit; ido arai etamata aiteteun akecewate toma aitoronokin, koanyutu da bobo ebe ebubuikis bobo kanukece okoku loka Edeke, kosodete aipudapuda kanukec aokot nuka aitutuket nuda aponi kitalaunere kotoma..."

"Eyuunit eong ekanisa loecamunit aitalaunio." Ejokuna ngin kwape elosio, konye mam ijo ilosit aojau naedolit. Kiany? Eebo, ipa. Abu amoding kitalau kes. Eebo kotoma abeit. Ajatar kesi kede emun loka asinit ido elutari loka asinit, kede idiobore kere kangina, aitalaunio, konye apotu kesi kolomasi Palestine kanuka aiyengun. Mam kereka...

70 Koany ber ijo kotoma Iburanian 4, mam kereka ngesi abala, "aiyengun ace"? Abu Edeke kosub aparan nakikanyetekarei kosodi ainakin kesi aiyengun kotoma aparan nakanyetekarei. Nenice neineritor ngesi aparan naka ayengun, "Ido lolo kotoma Daudi." Abu bobo koinak kesi aiyengun ace, "kopotu mamaKa yes kere luilangirikit, ainakini yes ayengun." Kolomasi toma aiyengun na! Naarai oni kere lukiloma toma aiyengun kiyenguni kotoma aswamisio wok kere kwape abu Edeke da kiyengunia kotoma kanuKe kaparan nakasabato. Nepetai, ngin ngesi akonisabato naka aiyengun. Ejai aiyengun kon nakabeit toma akwap naka aisumunet.

Erai Emoyo Lokalaunan aisumunet naka itunga. Ido kanukinyo ekototor kesi ikalimonokinak luesiomito luda ecamakinete kesi ainap lueuriaka ka aitub ikecetim, kede aisutu iriagin akituk, kede ikiliok luinomete epiki kede aimat ajon kede einer eyala lobang, ido alosit ngaren kede akiro kangun, kobalas ebe eraas imwebai luka ekanisa? Kanukinyo, iyangarete ibore kwa kangin kosodete anger aingarenikinio naka Emoyo Lokalaunan! Kanukinyo, ebalu Ebaibuli ebe ekwana Akirot naka Edeke adepar ekileng loekwana kowaitin iarei kere etubi ailenyeta nuka akojo, ido emisikin aomisio nukotau. Eebo, karaida aomisio nueomit!

71 Ido arai imina oni akwapin kede iboro luka kwapin, emamei amina naka Edeke kotoma wok. "Ipu lunyaraunitai, konye ikidioko luseunitai; narai erididi erute ido ediding eroto lobei toma aijara, ido konye ikidioko luedumunete. Epote luipu mamaka kaiboikin toma ajakanut," kabala Yesu, kede Abraham, Isaac, Jacob. Konye idwe luka ajakanut eponio airengear kinga, ido etemarete, 'Ejakait mam kereka iso iswamata nu kede nu kokiror kon? Mam kere iso kilimonokit? Mam isio kirai emuron mutan kede mutan kede ekimat mutan kede mutan?' mam eong abu kajen yes. Korika kamaka, yes eswamaka nuka epali, mam abu kajen yes.' Mere kere lukabalas, Ejakait, Ejakait,' epote Alomar toma. Konye luswamaete akote naka papaka lojai toma akuju, ngun kesi elomarete toma."

72 Nen nges ijai ijo, Alomar toma akwap naka aisumunetena. Koiponeali kilomara oni toma? Inerakinaitai oni sek toma ke. Ekanisa, kotoma ajenunio sek naka Edeke, abu kinerak oni sek (toma kinyo?) toma ayongit ngesi, kotoma asianut ke, toma aibuses, ido aima kede aibuses naka Edeke. Papa, ageun kangina kotoma ageunet, lokejai bon, komamei ibore kosiep ke, akoto icebore aima ngesi, Abu ogeu asekun kosodi ainerun kanuka ekanisa, ido eroko epesikina apetetait naka akwap, kosodi aibwaikin ikiroria kece koitabo loka aijara loka imerekek, yen ayaritai eroko epesikina apetetait naka akwap, tetere etakanunete kotoma aibuses kede aiturio kotoma apak naka wasia, netukokinere iboro kere toma otunganan ediopet, kristo Yesu. Eebo! Aibuses! Ngesi ngin. Erai ngin...nakabeit kanen, onaceka kede inacika. Sirikunyak kotoma kangin.

73 Edeke, kotoma asianutuke naka aseun, konyarau ijo, Edeke, kede asianut ke naseun, kitalau ijo. Edeke, kotoma asianut ke naseun kede akepedor, kibatisa ijo kosodi abwaikin toma akwap ke nakayengun. Ngun lualomas toma ayengun ngin apalas kotoma alosit kece awai. Eyengutu kotoma aswamisio kece kwape abu Edeke da kiyengunia kotoma kanuke. Ejatar kede aiyalama namam inerio, ido

kilelebas kede aibuses! Elibilib ekitoi loka aijara kamakec. Ejatar kede atitingikin, ainapakina, ajokis, aitikokina aiyun nasubunitai, ayuun, ainapakina, aiyamakina, kede aceda. Elibilibi ekitoi loka aijar kotoma kece narai ikamakina kese mamajai kristo Yesu, ajenanut naka emoyo lokalaunan einakin aitogogonget kede anyuneta kede nukaumokin atupanakin ekeyunak. Etupanakinete anyunete nuu ngun luyunete." Kwape elosotor, itangalet ikadekak, irenganarete ajokin, ineras angajepa nuitetiak, eanyunenete aitapoeta. Elosenete kede Edeke, ineranasis kede Edeke. Emamei ajokit natonyoun kesi, ebwoete ejok, iteluoritos nu...? Imurokinitos iboro lukokau, inyikokinitos mama ejai anyarite nakokuju kotoma kristo Yesu. Ne ngesi ejaas kesi. Ejaas nen. Ngon ngesi ekanisa.

74 Kopone bo ali adolokiniata kesi nen? Mam ijo ipedori alimun ebe, "Ejok, Ejakait, ijeni ijo, adiope paran abu eong kageu aimat esigala, kasodi eong apupun, kasodi eong ainomar abu eong..." Oo, mam, mam, mam, mam.

Ainerun sek! Abu konyarau oni, ido netupakina oni ngesi kilimun konyet oni ebe, "Edeke, apotu kaolioritos ido komam kirikakina. Kimameor oni kiton aomisiot naka aitajar awokowate. Kirai oni einono loka epege, kirai oni ipegei kotoma ageunete."

Abu ijo koloto togo loka ipegei kosodi aanyun aiboisit namojong naepepere iraan, kosodi atemar ebe, "kwana, koany ne, apese namojong, akoto eong alimokin ijo icebore. Erono

Abala ngesi, "uur-uur." Kiany? Kwana, erai kwana nen ijo aitam aitajar akonijar. Abeit ngin. ijo aimat erit."

75 Ibala ijo ebe, "amucalat, mam ijo ipedori ainap igoen kwangin, ekoto ijo ainap ejok. Ibusakinit ijo aswam nu. Mam ekoto alosit toma...mam ekoto ijo ajaut kede akaadi naka epucit. Mam ekoto ijo aimat esigala. Mam ekoto ijo aswam ngun. Aibucaret, mam ekoto ijo aswam ngun."

Ebala ngesi, "ngur—ngur. Arai eong loka oink—oinik." Uu—uu. "Ngur," erai nen kwape ipedoria ijo ajenun. "Ejok, alimokin eong ijo ijeni ijo ajoko eong kwape kajo. Ngur—ngur!" kiany, apotu kongeroto aingarenikinio naka Emoyo Lokalaunan, ebala Ebaibuli kwangin ebe arai kimina akwapin arai iboro luka akwapin, emamei amina naka Edeke kamakon.

76 Inyobo itegelikit yes? Kiraas yes akwap nakalaunan. Nunyoeka iswamatos yesi? Alomar kinga naka akwap kangin. Ijaas yes toma akwap ace. Kopone alibo kidolioto yes ngina? Ngin nges akwap naka aisumunet. inyobo akwap naka aisumunet? aisumunet bo naka epone ali? Ejaun kotoma aparasia nukawasia, ebala Edeke, abukokini Eong Ekamoyo mama ejas awate kere." Kotoma Omoyo ediopet ibatisatai oni kere toma akwap naka aisumunet adiopet. Amen. Onac kede inac, hallelujah, kede aipioror naka etau, komamei ekokote, komamei edinget, idiobore kere! Mam eong apodo arai elosi onac awai, mam ace nuswamai ngesi, ibuni ijo aibwap nges.

77 Abu eong katupak onac mam apak edit kokau noi, loabu koolirite. Abu ekesa lo adit kalimok eong ebe, "kojalak ngol loeboliar ngol koloto. Kojalak nges kanukeng."

Abu eong kalim ebe, "Arai kadolok eong adoketai namam ekatau eupatar kede onaceka, ngin nges apak na ebeitor eong alosit olutari, naarai adau eong aibiror kotoma asianut." Eong ebe, abuni eong alosit bon ne erikor eyengane ejai toma akuanake, ido abuni eong aikamun nges kanenice kotoma Okokoro." Eebo, ipa. Ido abu eong kekamu ngesi, hallelujah, ainyakun ngesi bobo. Eebo, ipa. Ti nges elosit awolior toma akwapin.

78 Apak edit kokau neabu eong kaanyunia aberu ngin nakican naiboyei kanen, ido abu Sheriff Keworok eong kobala ebe, "Kanukinyo, ti kwana ngesi enapit ekaso." Ebala ngesi ebe, erai nges naitingit aiyalama naepol noi, ejangakin ngin akou." Ngesi—nges, aponi kibwaikinai ngesi oteri. obongonete.

Kabala eong ebe, ejokuka ngun kere."

Kobala, kobala Sheriff, "kanukinyo, Billy!" ajeni eong nges ejok noi, ido ajenunit eong ngesi ageun eiditeu. Ebala ngesi, arai ejai ibore yen apedori eong aswam aingarakin ijo."

Eong ebe "erai ngin naejok."

Kobala ebe "ipedori ijo aingarakin ngesi?"

Eong ebe, "mam, konye epedori ngesi." Eong be adakika ber adiopet."

Kanen apotu koyangautu ngesi kinga nen. Ido nape enyouni ngesi apak edit kau, kotoma ainapakin. Arai inyo ngin? Apotu eyakiasi ailipa kanuke. Amen! Ekoni nen....

Kobalas ebe, "Ikoto ijo adumun emuron?" kolimok okilenike ebe, ikoto ijo adumun emuron?"

Ebe, "mam emuron epedori aiswamaun icebore kanuke." Ido erai ngin abeit, emunara ngesi akou; emamei ibore yenepedori emuron aswam kanukeng.

Ebala ebe "awokamuno bon ngesi adolare ngina."

Kosodi ngesi alimun ebe, "Billy, mam eong amisiikinit ngun."

Eong ebe, mam eong amuno ijo," aanyun, "mam eong amuno ijo amisiikin."

79 Konye, ikatunganan, karaida eong mam amisiikinit! Mam. Konye, onac, Edeke kotoma Akuj...amamei eong, kokinga kangina adiope pak, abu icebore kobu amoete eong. Amen! Mam erai ebe akoto eong abunore, konye, mam, abu icebore kamou eong. Naarai eroko apetetait naka akwap, abu Edeke kinerusek, hallelujah, ebe oni araun LuKe, mam ejai ayongio kede aibuses. Kopupok! Ngun luabu kojenusek, eswamaik inyo? Konyarau. Erai ngin abeit? Enyaraunit kereka Ngesi ijo? Eebo! Kanukinyo anyaraunia Ngesi ijo? Abu kojenu ijo sek. Ngul luabu kojen, abu konyarau; ngul luabu konyarau, abu kitojok, aitubusikin! Amen! Ngun kesi nuebala Ebaibuli: ngul luabu kojen sek, abu konyarau." Kanginitur! Ngul luabu konyarau, adau kwana aitubusikin. Inyo? Kasiomutu ber ikokoron kane. Ejok.

Edau ainerakin sek oni aitarauno odwe kotoma

Yesu kristo mamake elopet

Kwape ejaar akote ke elopet....

Toma aiturit naka aibuses ke...

Oo, kwana idum ijo ngun? Toma aiturit naka aibuses! Tetera ejaunos kangina kotoma aturio numam eadaunos nuebeit atupanakin, ido ikedwe acalar, Abba, Papa, aba, Papa!"

Ido elimunete Imalaikan ebe, nunyoka bodo inerasi lu? "Nunyoka inerasi lu?"

80 Ibus noi kitodiara kotoma okoku loalirit. "Aoliorit eong." Erai lo okokuka. Aoliorit konye kwana atakanu. Atwanit, ido ajaru bobo. Koyautu kwana itaok yenirobok, kede elou loibus, egilut ibwaikis obokorit ke. Kasodete oni..." mam ace neapotu aicer kowotor nepepe, apotu odwe luka Edeke ikareoto ka aiyalama, neapotu koanyunatar ainapeta nuka aitajario, Edeke ibwaikini ekonikiror toma oitabo eroko epetetait naka akwap.

81 Kwana ibala ijo ebe, "Calvin da eyuunit ibore kwanat kangin." Mam eong acamunit ebe eyuunit Calvin. Arai Calvin aaran. Abu Calvin koinak etunganan aario naarai kebatisatai Kokiror loka Yesu Kristo. Arai ngesi loaboliar akiro, epuda bobo ngesi da aibelokinio, ngesi elopet. Eebo, ipa. Konye nunyoeka abu ngesi kolim, kanuka iceboro luabu ngesi kinera, adolitos. Mam ...konye akeswamasio, etunganan loari loce etunganan kanuka ibore kangin, erai ngin naerono noi, erai ngin adiakaret. Ebeit.

Neda abu ngesi kitarauna oni...

82 Oo, idareu, mam eong abu kadum ngin "aitaraunio odwe" abu eong? Keyap kwana eong noi? Kanyutu ber oni nuebala esawa lo kanen, esawa lokijaar oni kwana. Ejok. Kayangasi ber bobo oni idakikan itomon kanuka itunga kalu lueponitos kane elwana. Koany. Koany.

83 "Aitaraunio odwe, akoto eong aitodikin yes ibore yen iswamaere kwana. Ejaatar Papa ajakanut naepol noi, elosi ngesi airimirim. Kwana ejaatar ngesi esapat eurunitai. Oo, iyalama do ngesi noi! (ngesi Edeke) kwana ijeni ijo nuswamai papa ngon? Emouni ngesi eketopolounan loejok kakere, ketutuoron. Ijeni ijo ibore yen erai etutuoron, mam ijo ijeni? Erai emwalimu loka esomero. Etami ngesi amoun emwalimu loka esomero loejok kotoma akwap kangin. (Ido ilosi kwana oni, kopupok.) Ido edumuni ngesi emwalimu loejok kakere lopedori ngesi adumun. Mam ngesi edumuni ediokere, ekoto ngesi ekesapat araun ekesa lokabeit.

Mam kereka ijo da ipuda ikonidwe koipone kangon? Abeit, nukajokak kakere nupedori ijo ainakin kesi! Eebo ipa. Ido arai erai etunganan da lokotoma akuan ikon nen, nunyoka iwomit ijo eomomoi Edeke kanuka idweKe? Nuejokak kakere nupedori Ngesi adumun.

84 Aso ipuda ngesi etunganan lopedori araun lomunot. Kwana, mam ngesi ekoto etunganan...ekoto ngesi etunganan alimun ebe, "kwana, koany eong lo Junior, iswama kwana do ijo nuikoto kere, loijijim." "Oo, eebo, Papa, uu-uuu, ejai kwana ngesi ajaun ejok, erai kwana esapat loejok." Ararapar ngesi ekepura kede atiror kuju naka akopira ke. Mam, mam. Ekesongon ti kinomar kopekwana. Eebo. Ekoto ngesi etunganan loeraun lokabeit. Arai ebuni esapat ngol kwana, kolimokisi nges. Arai mam ngesi erai, kolimok ngesi ibore yen erono.

Ido arai eomit papa lokotoma akwap kwangin...mam kere ijo ipuda etunganan araut lomunot kede ijo, emwalimu loka esomero koraun lomunot kede ikonidwe? Eebo. Ejok, nunyoeka iwomit ijo eomomoi Edeke? Ido ejeni Ngesi; oni mam, iswamai. Kidaun oni, mam oni ipedori alimun. Konye Ngesi ejai aibosio kere ejeni kere.

85 Kwana, ijeni ijo nuabu Papa kiswama? Mam Ngesi abu kolim ebe, alosi Eong adumun ipapa aidar ikadwe." Karaida alimun ebe, alosi Eong adumun ekaanyanaran." Mam, mam. Mam Ngesi abu kiswama

kwangin, naarai ajeni Ngesi ebe ipapa abuni araut loibirora, karaida ekaanyanaran. Kiany? Mam Ngesi abu kolim ebe, alosi eong adumun loImaninanI kere kanu airere ikanisanaKa." Mam, mam.

Ejaatar Ngesi kede Emoyo Lokalaunan. Ngon nges erai eketututoron, uu—uu, kanu aitopoloun ikedwe. Erai ngin naejok. Ido biai kijenunia ijo ebe ejeni Emoyo Lokalaunan ngun? Inera Ngesi kotoma ikitukes nuka itunga. Biai do kwana ijenunia ijo ebe inera abeit? Neinerar Emoyo Lokalaunan kotoma akitukes nuneras abeit kangon sawa, aidwar ido kodolenenete akiro ngun kwape kineritere, kwape abalar Samuel, kojenuin do ijo ebe erai ngin nakabeit. Etodolikin. Naarai abala Edeke ebe, arai inera nges komam nuenera ngesi itodolikin, sirikiirasi ngesi, naarai mam Eong ajai kede nges. Konye arai kedoloto, ejok, kiiras do nges,' naarai ajai Eong kede nges." Kiany? Nen nges ijaI ijo. Ngon ngesi eipone loiswama Ngesi.

86 Kwana, kosodi Ngesi kwana airimor. Kwana, nunyoeka iwomit ijo elimuni eketutuoron ngon arai erai ngesi alosit nejai papa? Ido alimun ebe, iswamaete ikonidwe nitegelikina. Alimokini eong ijo, esapat kon ngon, ngesi, uu, erai ngesi loitepegi. Erai dokwana loiswamai kotoma akuan, mam eong aanyunitor ekesa kwanat kangol! Ikatunganan, ijeni do ijo nuiswamai? Ido akonipese ngin! Oo, mam do eong ajeni nuilos ijo aswam kede nges. Uumm. Ejok, ijeni ijo inyo? Iteido kwana ngesi bala eculit iriagin kwape kanuce apesur. Ipilistian. Eebo, ipa, ekoto ngesi aswam kwape iswamatar Luce."

"Apese ka?"

"Eebo, apesur kon." Ngun ngesi ebeit Emoyo Lokalaunan alimun kanuka ikanisan luka lolo. Mam ace karaida emamei aisikwarunio. Kiany? Kwana, erai ngin nakabeit.

87 "Dobodo okokukon? Kopekwangin."

"Inyo?"

"Ejok, ijeni ijo imina ijo alimunun ebe amerekekin ngun ti kedumutu kotoma amelo naejai toma onyamat luka amerekekin kangina. Eebo, ijeni ijo nuabu ngesi kiswama? Abu komia kesi laiye toma odoan loidokok. Ayangar kesi ngina kosodi ajalakin kesi kanen kotoma kangun, kosodi ajalakin kesi kanen kotoma odoan kangon loidokok, ainyam ikukwa, ido ejaas erono noi mam epedorete anyoun kanen." Ngun kesi ikaanyanarak, kede icokok luegiritos apedoriKe. "Ejok, alimokini eong yes abeit, mam eong aanyunitor amerekekin nu ejokak kotoma ajaraka." Mam ngesi ekoto ngun. Mam. "Ido ijeni ijo inyo? Akituk ngun kanen, ijeni ijo ilimokinit ijo kesi ainyam inyamat lukajokak kangina, ijeni ijo, kanu ainakin kesi aitung?"

"Eebo."

"Ijeni ijo ibore yen ejai ngesi ainakin kes?"

"Mam."

Edoan ngon lomojong losuat. Eebo. Ejai ngesi ainakin kesi Alomar atukos kede aceda kere. Mam ijo kiyanyunitor ngun kotoma ajarakon. Mam ijo kiyanyunitor ngun kotoma ajarakon kere. Ijeni ijo ibore yeniswamai? Alosit kinga ngina aimat esigala lopeti, abongor kau. Eupasi kede akeberu kede ngesi, enapit lueriaka kwape enapiata Ipilistian kangina. Eebo." Eipone aisiiraret kangin ngesi eyangari Emoyo Lokalaunan kanuka ekanisa lolo. Kwana, nunyoeka iwomit ijo kanuka ngun?

Ngin ngesi aitaraunio odwe. Nunyoka abu Ngesi kiswama? Abu kineru sek kanuwok—oni aitaraunio odwe. Abu koinak oni Emoyo Lokalaunan; konye, idareik ber adakika, aitaraunio odwe, ngun kesi nujai oni einer. Aitaraunio odwe!

88 "Ejok, ijeni ijo nuiswamai ngesi? Abu ekaanyanaran kobunite apaaran ya, kosodi alimun ebe, ajai ngesi aitotolot aijanakin naka ailipanakin lukadekak kokwap kalaije, kosodi ekaanyanaran abunore. Abu ekesa ece, onac, abunore kosodi ailipanakin lukadekak. Kosodi alimun ebe, 'kojalak aswam ngun!'

"Oo, oo, eebo, papa ekaanyanaran, abuni eong aswam ngun.'

"mam yes icamanara.'

"Oo, mam, mam, papa ekaanyanaran, abeit mam.'

"Ido kane abuni do eong kasodi alimokin ngesi abeit kotoma AkirotoKon. Kiany, ngesina kane, abu kaswamaik kesi ekisilikon kotoma abeit nu abeit aswam, ido mam abu kopupok kesi. Kobala ngesi, 'Oo, arai ngin kanuka atur ace, okoku ece kotoma apak ace. Mam ngin inera mamaka.'" Nen ngesi ijai ijo. Ngun, kwana erai abeit, ipapero. Kwana mam kere ijo kiany neabu ekanisa kotwaniara asipokinio ke, ibore lolo emameor aisikwarunio, kanukinyo mam iboro elosiotor ngaren? Nen ngesi eperia ationis.

89 Abala Yosua ebe, "Edeke, akoto eong ijo...nen ngesi ejai aboisit kon kotupitete aingarenikini kon, akoniboisit ngesina, nepene. Kidolu ijo ne, Edeke, ido kosalak ne. Benjamin, abu ijo kodumak nepene. Ido yes kere ikunyasi awai kotoma okoruon luka Ipilistian." Kosodi Yosua abongun, apotu kesi kere kolomasi toma opilisian, ajaun kede epucit lomojong loapol, aikosi kwangin, kede angor eculitos iriagin kwangin, ido

aikosi airimirim kede ajaut kede apak napol. Kosodi Yosua aiko ekekou, kobala ebe, "kwana inyobodo yen?" kwana ngun cut iswamasi kopekwana; konye mere kere, emalata Edeke, mam erai kere, konye luipu. Erai abeit.

90 Kwana nuinyoka kwana iswamaunos? Ngun kesi apotu kotakanutu. Mam kereka ijo iwomit etunganan ngon, Emoyo Lokalaunan, irumitos ileic ainer ngun akonyen nuka Papa? Oo, ikatuan! "Abu eong kalimok nges, konye mam abu kopupok ngun. Abu eong kalimok nges ngun, kasodi ainakin ngesi aisiomo kotoma oitabo. Ajai ekejanakinan loabu kobu kosodi aitodikin ngesi ebe Yesu Kristo nges ngopengon bian, lolo, kiton ikaru kere. Ido ijeni ijo inyo? Obu kocamak edipet kakesi—ediopet ekecokon lomojong loka akinei abunore kosodi alimokin ngesi ebe arasi ngun akiro nuka atur ace. Kiany? Ido kosodi ngesi ainguun erono noi kosodi anyoun kanen, kede euria loka akinei, ijeni ijo, esigala, ido ijeni ijo, kede aceda, abu kouru erono noi neabu ngesi kodolia ngina. Kiany? Konye alimokin eong ijo, ekedaran ngon loka akinei ajatar kede imidalin luipu noi luainakinitai nges, naarai kalimokini eong ijo, korai ijo aiwadikaikin ekekiror apapula, ti keyangaiki (Eporotoke lokatwanare) egangar atutubet kere naka asuka kanu aiwadik akedoketa. Eebo, ipa, kotoma abeit eminas ngesi noi kangina kotoma akwap kangin, konye, alimokini eong ijo, mam ngesi ejeni eipone loebeitor aitan amerekekin. Ngesi idiopobore bon kede ngesi. Mam ngesi apedori apupokin eong," ebala Emoyo Lokalaunan. Abu eong katam alimokin nges ngun ebe erai ngesi ngopengon ibian, lolo, kede ikaru kere konye mam eswamai ngun. Erai ngesi ekuriau lopolon kakere loanyunitor eong kotoma ajaraka. Eebo. Ido etarau ekanisa ngesi loimaniman, ekaanyanaran, kede aceda, itunga kere epupokinitos nges. Ido ijeni ijo inyo? Eyangarete ngun...ejatar kesi ibore yen enyaritai ebe 'etelevision.' Ijo agwetakin ibore ngin kwangin, kopote angor ngun, ennapitos atutubena nuka igoen.

91 Ido, ijeni ijo, nui pu kotoma apesur kus da eraas ace kotoma kakesi..."

"Oo, kotoma abeit mam!" kiany?

Kolim, "Eebo, eraas. Eebo, iswamaete kesi da ngun. Uu. Ace kakesi emonyete aisikwarunio, Papa, ace kakesi ipudas kotoma abeit. Ace elosete kotoma okokoro, ace ebwoete kotoma Akivot kamunonot kwape epedoratar. Nuce, mam do eong ajeni nuebeit aswam, ejaas awai kinga ngina. Ijeni ijo nuswamaete kesi? Akenar nuce, kobalas, eraas ngun atukot naka kaluemunara akwes."

"Ejok, einakinit ngin eong aipup erono noi."

92 Konye kwana ejulakis ber oni aputo. Kwana Papa, okokuke erai esapat loejok. Papake da, erai eketutuoran, Emoyo Lokalaunan. Oipone kalii ebala Emoyo Lokalaunan, "alosi eong anyoun," ebala eketutuoran, "alosi eong..."

Ebala ikoku ebe, "abuni eong alosenen kede ijo. Abuni eong alosit kede ijo."

"Oo, konye imukurur eukot, okoku."

Abuni eong alosit kede ijo. Ajatar eong kede amuno mamakon. Arai kegeu aipas eong, ebuni ngesi arior akakan kosodi aiting."

"Ejai ationus ngina, erai imor luerurutu."

Mam eong apodo bon ebe ijai ijo kede eong, mam iswamaun adio julakinete. Ajai eong alosit nepepe kede Ijo."

Ejai ationis kuju ngina, erurutu imor."

Mam eong apodo, bon—bon neitingitor ijo akakan, abuni eong alosit kede Ijo. Abuni eong alosite kotoma abeit kede Ijo."

"Oo, ijeni ijo inyo? Abu papakon iswamaenenei kwangin, kiany. Erai ngin najok. Eebo, ipa."

93 Kodoka kuju naka eukot ngina, "Oo," ebala ngesi, ijen ijo inyo, Papa? Ikonkoku etuputosi bala atutubet naka amatapalit namojong. Erai cut ngesi kwape Jo. Kanginikirot naibala Ijo, ebala ngesi ebe 'Amen' mamake. Abu eong keira nges apak kaya epukor kotoma Obaibuli, kobala ebe, Yesu Kristo ngesi ngopengon bian, lolo, kiton ikaru kere.' Ijeni ijo nuebala ngesi? Abu kocelar kosodi aikiar akekanin kuju, kosodi alimun ebe Hallelujah! Amen! Oo! Ido ijo ebala kane, kotoma AkivotKon, ijeni ijo, neibalar ijo, aswamasio, ngin yen keyuuni Eong, iswamai ngesi da aswamasio nupe eswamai Eong'?"

"Ee, eitunit eong ewadikakinit eong okokuka akiro ngun. Ee, eitunit eong ewadikat eong ngun."

"Oo, nebu ngesi koanyuna ngun, abu kocelar ido asomar kuju kede kwap, elulu, Hallelujah, Ejakait. Kolema akwap kere kamaka. Ido itarau eong kwangin!' eebo, ipa. Ido kede iboro kere lueswamat ngesi!"

"Oo," elimunit Papa ngin, eyalama eong kanuka esapat kangol. Erai ngol esapat loejok. Ejok. Osalak ber iteunit nges adaun ikaru lukidiok, kony eipone loabunio ngesi, kede eipone loapolror."

94 Akaulo naka apak ikaru idis atubor. "Biai elosia kwana ngesi?"

"Oo, ikatunganan, epoloi do ngesi kotoma asianut! Oo, ikatuan! Ejai ngesi ainomonom amagogo. Kalimokin eong ijo, erai ngesi...kanukinyo, eyangar ngesi amerekekin, etingi kesi kwape kitingia ijo. Mam ngesi einakin kesi edoan loka angolol. Konye einakini kesi edoan loitopoli, neaponatar kesi arimun, 'kobalasi ebe, ikoto isio Alomar okanisa,' ebala ngesi ebe korapakisi akusakitukes, mam yes ipudas ngun! Mam, ipa. Nu kesi ipudas yesi, aitoronokin ido aibatisao, kanginidiopet kayesi, Kokiror loka Yesu Kristo, kanuka aisionio naka arokisio kus inakinio ainakinet naka Emoyo Lokalaunan.'" Eebo, ipa, ngun kesi abala Ngesi."

"Oo, elimunit kere ngesi ngun?"

"Eebo, ipa, erai abeit elmunit ngesi."

"Ejok, ngon ngesi eipone lowadikator eong ngun."

"Ngon ngesi eipone loabalar ngin."

"Umm! Eebo, ipa."

95 Ice kakesi ebalas ebe, 'kidareutu ber ore loka Yerusalem kiton nelelebere yes kede apedor nakokuju. Ageun nabunio Emoyo Lokalaunan mamakus, kiraunete yesi ikajenak kotoma Yerusalem, Yudaya, kede Samaria, kiton osange loka akwap.' Neasiomia ngesi ngun, kabu kiluluik, Hallelujah, ngun kesi ipuda ijo! Kijeni ijo ebe iswamai ngesi? Ejai adar kes kanen kiton ne edumunatar, kesi ngun kere, kosalakini kede kesi kere.

"Ido arai kegeutu kesi aretokin, ebala ngesi, wuwu, wuwu, wuwu, idareik adakikat, idareik adakikat. Ngon ngesi eipone loiswamata akinei, mere amerekekin.' Kiany? Kiany? Oo, isawan ice itakadikinos kesi mot kamake, konye ibapi ngesi kesi opura kobala ebe idareik adakika, sh- sh, sh-sh, sh. Ejokuna.' Ejeni ngesi eipone loitikitikere amerekekin. Eebo, ipa, alimokin eong ijo."

96 "Ijeni ijo nyo? Abu eong kany ekaanyanaran lokapolon mutan kalimok ngesi ebe mam nges epedori abunore toma oibuga lo kosodi aitolitol airiamun.' Konye, ijeni ijo, abu eong katam aingarenikin nges, abu eong kalim ebe, kolot kopekwangin.' Kiany? 'Kojalak atepun ngun, ido mam ijalakini kesi koloto.' Kalosete do isio kopekwangin! Apotu isio kalototo otaunin ngun kanen, ebe, 'ejok, mam isio kigang-...'

"Ido ijeni ijo, abu ajokit kojaun ngina, ebala ebe, elairakini eong ijo mam ijo apedori eong aimik nges abunore oibuga ngon.' Kabala eong ngesi ebe, mam ijo ipedori aswam ngun. Arai alimok eong ngesi ebe koloto. Alimokin eong ijo abeit elosi.' 'Mam, mam, mam, mam, mam, alimokin eong nges. Alosi eong kasodi alimun, kwana, kere ikagwokinitoka, kotukokinos nepepe. Mam oni ikoto idio kotoma kalu emunara akwes kangun abunore ne, kere ebe aitangale namojong naka Edeke kede ebe luka Emoyo Lokalaunan. Loda abu kotubor kokau kotoma aparasia nuka ikiyakia ikaru luipu kau ngina. Ijeni ijo emamei bobo ngun ajokis, kokau kangina.'" Aitam ainakin kesi edoan lomojong, kanginibore kwangi. Kesi....

97 "Konye, kijeni ijo ngun, abu ngesi kolot ngina kopekwangin kediohone kere. Abu kolot ngina kosodi ageun aicakanikin ekenyamat lukajokak, toma...ido ijeni ijo inyo, kogeunete amerekekin ainyam, apotu kogeutu aitum noi kwape apedoratar. Eebo, ipa. Neda ajatar kesi kede aitangale kede aimor ido, ijeni ijo, luipu ludidik kakesi apotu kogeutu. Kanukinyo, narai apotu koanyutu inyamat luepu luajokak lukamerekekin. Ijeni ijo nuapotu kesi kismamata kede ngun? arai najok kiton kesi akerit nejas idunyeta, kobalas ebe, 'kiirata ber yes nu! Kiirata nu! Kiirata nu! Kiany, ejautene lojai ngina ekoni kede loejai ne kopekwana. Ngesi loejai ne kopekwana. Kanepokane nges ngon, kiany, bon kitoronokin, kanginidiopet kayesi, ido kibatisaunos Kokiror loka Yesu, kiany, kidumun ijo Emoyo Lokalaunan. Erai kanuka kayen epedori kere, kobu ngesi, kobu ngesi ne kosodi aanyun nubala ebaibuli.' Kiany? Ido ejatar kesi kede apak napejok kangina."

"Oo, erai ngon okokuka! Erai ngon ekasapat. Ejok, iwomit ijo ebe adau ngesi ationore?"

98 "Ee. Abeit kismama," ebala Emoyo Lokalaunan. Adau eong ainakin ngesi ainingosia. Esapat, abu eong kening kesi kalailo, kening ngesi kalaije. Acakak eong ngesi kwap, kede adeka, ebwaik eong ngesi kwap. Ainak eong ngesi alangirusio, abu eong kacakak ajokit aismamaikin ngesi kere nuapedor aswam, konye abu kobongu bobo ejok. Abu eong acamak ngesi adekakin. Abu keswama nuu. Abu kacakak ngesi adekis. Abu eong kalem ngesi kasodi aismamakin ngun, abu eong keswama ngun. Abu eong ebelok akeberu asurokin ngesi, kebelok ikedunyeta asurokin ngesi, abu eong kebelok kanginibore. Konye mam ngun kere apotu kismamautu adiojulakinet. Ebe, karaida Kear eong, konye amunokina eong Ngesi.' Abu kayara ekekale. Abu kalema ibore yen, keswama nu, abu keswama nukere, keswama ngun, kwaa, nuce. Konye abu kosalak ebwoi, karaida keyara eong, konye kejanakin eong ngesi! Erai ngesi loka!"

"Oo! Ejok, eyuunit eong ebe ekoto oni anyaraun ngesi kanenice kotoma aiboisit najok kasode aitaraunio odwe."

Kwana, neabu papa, kotoma aitutuket namojong, komisikina ebe adau okoke apolor, ido abu kodolok toma aitaraunio okoku. Aitaraunio! Eurunio kwape ikoku, konye, eraut kesi odwe kanen. Konye mam bobo kesi epedorete arau icebore kilema ikoku, ikoku kwangin, aitodol kesi atiokere kede aitodun ibore yen eraas kesi. Kanen do, enyaraun do ngesi kesi kinga.

99 Kwana ijai oni ne, ekanisa. Ikapakina yes? Kwana nepetai kiyapit oni mot, kanginidiopet kokony ekebokorit, kodong akonijar, ido koyal ekonitau, adau adakika. Kiany? Kwana kilosi asipokin ekanisa. Kwana nedolokina ekanisa aboisit, kalimun ebe, Manasse, owaikon nges ne. Epuraim, ijo erai laiije."

Kosodi alemar ngesi kotoma aboisit ace, erai papa ngesi iswamai, kosodi aikeikin ngesi aboisit nakiara kwangin, kosodi ajaun kede epucit, ido kesi kere abunore airimor. Kosodi ngesi alimun ebe, "akoto eong idiotunganan kere ajenun ebe erai yen ikakoku, ido adau eong aitaraun okokuka. Ido akoto eong idiotunganan kere ajenun ebe, agear kanen, ebe ekekiror...adau eong aitanap ngesi, aitanap naitegelikina. Akoto eong ijo ajenun ebe ekekiror ejokuna kwape kaloka. Erai ngesi ikakoku, etarau eong nges yen okaleka, karaida lem erai ngesi ageun kaurio ke. Ageun nejaunia ngesi Emoyo Lokalaunan, abu korau ikakoku. Konye kwana alosi eong asipokin ngesi toma ojaitene. Nuinom ngesi kinom, nuirum ngesi kirum.

"Ido abeit, abeit, katemar eong yes, arai kilimokis ekitoi lo, arai kilimokis emoru lo, 'kouwor,' ido komam ibunokinos kotauno kus, konye kiyunitos ebe nuingsito kinakinio, kidumun ijo nulimunit." Kiany? Nen ngesi ijai ijo; nen ngesi ijai ijo. Kiany? "Erai nges okokuka." Imwas ai luejenete ngun ebe aitaraunio odwe, erai ngin...itaraunio okoku akaulo naka aitogogog araut...kangin tunganan yen esiomitor ebaibuli, asipokinio naka okoku.

100 Kwana, abu Edeke iswama ibore ngipengin mama ejai okokuKe nebu koyangara Yesu kuju moru loka ailocokinio. Abu koyanga Petero, Yakob kede Yokana kuju ngina, erai ngun ikakejenak iuni luka kotoma akwap. Kajai Yesu, Musa kede Eliya, kede Edeke, kuju toma moru. Kanen apotu kobwaata kokuju moru. Ido, ibore yenisodit yen ekoto ijo ajenun, apotu kongoliasi, ido koanyutu Yesu aponi kitubusikinai koingaren kec. Erai ngin nakabeit? Imwas ai ejenete ngin ebe erai naiwadikatai? Nunyoka abu ngesi kismama? Abu kitanapa kesi kede elou lokamamus adaun. Kosodi alimun ebe, "kocaut ikenapen bala akolong." Erai ngin nakabeit? Ido kitebibo kesi edou. Ido Petero kede Yokana kede kesi, ibiroros ebubura. Koodete asesen, kanen kobwata Musa ka Eliya, kinerasi kede Nges. Ido Musa abu kotwanite, ido kidaitete toma ates namam ejenunitai adaun ikaru akwatakany kauni. Ido Eliya abu koloto kede agali naka akim kiton toma Akuj, ikaru akwatakany eroko ngun ejauna. Koumok! Konye keroko kesi ejaas! Kesi ngun kanen inerasi kede ngesi. Kiany, abu koyanga Yesu ngina aanyun kesi, aanyun nunyoka ngun kere, ananyun ngina, aitodikin ngesi iboro ngun. Ido apotu kinerata kede ngesi, kojaun kede aimor kede kesi.

101 Kosodi nape ebongokini Petero asesene bobo ido konyou aibuses kamaKe, apotu koanyutu Yesu bon, kolomun eporoto kotoma odou, kobala ebe, "lo nges Okokuka lominat, kiiras Nges! Ekekiror ejok kwape kaloka kwana. Kiiras Nges!" ngesi ngin, etarauno okoku, arai odwe luesipokinitai.

Kwana, ne ngesi etamitor Edeke aitodol ekanisa loka pentekosit oitabo loka Ipeson. Kiany? Imisik kwana ijo? Eyangaikini kwana oni agolokin naarai aeka apak, kiany ejaas idwe ageun ajotonor. Ido akoto eong adolokin nee toma okokoro lo kane, konye mam kwana eong apedor, kiton okokoro 13th, kiany atutubet nakawasia, ipucitai kede Emoyo lokalaunan loka asumunet." Ibum oni abumun ngun kanasabiti, kiany. Koany. Kwana, biai, inyo itolomar oni toma, ido biai kidaritere oni kotoma kanu.

102 Konye kwana toma "Aboisit," biai Bo ijo? Nasodit aurio toma ajakanut kede Emoyo Lokalaunan. Imwas ai ejenete ngun? Ejok. Naetupakini, inerakinitali toma kinyo? Aitaraunio odwe. Inyobo ngin? Inerunitai ijo toma asipokinio.

103 Oo, Inac Scott, acamunit eong ngesi ngin, iboei kane. Mam erai ijo ngesi ijai ore lolo? Aisisianakinio elosi kanenice kotoma akwap, aibosio nuegitigita kotoma akwap, apupunitor eong, nuipu, ebe ejai Yesu netoma akwap, elosi airimorit kotoma akuan, ebe abu ido iswamai nu, erai ngin aingala! Ekemoyo ejai ne, ido etamit asipokin ekekanisa, aigwaikin ekekanisa toma ainapeta, asipokin ngesi toma akwap naka aisumunet, tetere kesi elomarete...tetere irengero lokasurup kere kinga.

104 Manasse mam apedor ayangar akekwap. Mam eong apedori ajaun kede aijanakin naka aitangale ne ejaar atutubet naka...neda...Alomar eong king angina kasodi alimonokin aibatisim kokiror loka Yesu Kristo, ido kede—ido onac loka teriniti ebala ebe, "Oo, Yesu lomojong bon." Ido mam eong apedor alosit nee aitolot ido ajaun kede aijanakin naka aitangale erai abeit," ido luipu kakesi inumunumete nukapedor nuka Ejakait Yesu kristo ebalas ebe, "ejok, eyuunit eong ebe erai onac Branham enabi, konye alimok bere eong ijo icebore. Bon nepe ejaar Emoyo kede ngesi, ido ejai ngesi amisinikin aomisio, erai ngesi ebulesit loka Ejakait. Konye akesisianakin erai nabosiarit, emamei ajokis." Ingai epupunitor eipone einer loaronon ngon? Erai Edeke arai mam mam erai Edeke. Erai ngin nakabeit. Erai kere Edeke karaibo mam erai Edeke. Epone ngon ngesi ejaar. Konye biai ilosia ijo adumun? Manasse mam apedoir aidar akekwap, Epuraim da mam apedor aidara akekwap, Gad mam apedori aidar aboisitke, Benjamin mam apedori aidar akeboisit, kesi kere apotu koloto kede Ipilisian, kosodete ainyalun. Biai do ipedora oni asipokin? Konye oni kiuritali kede Emoyo Lokalaunan, oni kere. Erai ngin nakabeit? Aibo kiurikinitai oni toma? Ainerunike sek...ido akaulo

naiurunere oni, inerunitai oni sek toma aitarauno odwe, asipokinio toma akuan naka Kristo. Kiany ijo nuapelekinit eong?

105 Inyobo akuan naka Kristo? Ice ikiyakia, ice da inabin, iceda ikesisianakinak, ice ikalimonokinak kede ice ikecokok. Erai nakabeit? Inyaraunitai toma. Ice ejaatar inakineta nuka angajepa, aijul angajepa, aijen, acoa, nuka apedor, ainakineta nuegitigita. Ido kwana nunyoka apotu kesi kiswamata? Apotu kodwarata ngin mot. Inyo? Ocamak ngesi koloto elacakina bala mam eong ajen. Konyou ediopet kuju, kosodi einer kede angajepa, ido loce alosit ngaren kinera ebe, Blrr, blrr, blrr, blrr, biiii." Uu—uuu. Epedori ekalimonokinan alimonokin, anyaraun lu ekotosi aiyuun, kosodi ice anyoun kuju, ainer kede angajepa, "Hallelujah! Kojai aibuses mama ejai Edeke!" arai kiyataki ekalimonokinan kingaren kede aisiiraret, kede ainyonyoikino, kosodete itunga alimun ebe, ekabiroron lomojong." Kiany, erai naarai mam kesi isisianakinitai.

106 Ebalu Ebaibili ebe, korima emoyo loka inabin, inabin. Mam Edeke erai loka aitolutoluna. arai abwoi eong kane, araibonat ekejanakinan loinyonyokinit Edeke, mam ace eipone loinerar ijo kotoma angajepa, inapakin kiton nengetakina Edeke kane. Ido arai iner ijo kotoma angajepa, mam bobo erai ijo abongobong ikokoron, naarai abala Edeke ebe sirinyogonyogoete akiro. Konye arai erai aisiiraret mama ejai icetunganan. Kingit eong acepak, aibwaikin ekon bokorit nemam Emoyo inbwaikitor ageun, kotoma amisikin aomisio, alimokin icetunganan, ekokoro ainyogonyog kede ainyogonyog. Abu kolimok kesi ibore yenebiroro kede icebore yen eswamatos kesi, ido icebore yen ebeit kesi aswam araibo icebore yenebeit aismamaun, karaibo kwangin. Erai nginabeit?

Kwangin ejaar ainer kotoma angajepa kede aijul! Karai ejai idio okanisa yen inera kotoma angajepa, kosodi ice aijul, kolim ngesi nu: konyou onac Neville kosodi ainer kotoma angajepa, kosodi onac lokane ainakin aijulunet, kobala, kolimok etunganan lojai nee ebe bian abu kolot kinga kanen kosodi aswam icebore yenimam abeit ngesi aswam. Kwana kolimok ngesi emuron ebe ejaatar ngesi kede engoti. Kolot itemok ibore ngin ejok, kobong nee kosodi ajaun ejok kede Edeke."

Kobala etunganan ebe, "kotoma abeit erai naka abeit." Ido ejai Edeke kede ijo.

107 Konye kopone kalo kilosio oni aswam ngun koipone kalo? Kiany? Erai kwangin, epuwai ediopet bon" erai ainer nutai, ediopone, emamei asipokinio. Kwana erai ngin....kiany, Ipeson, etamitos...kiany, ebutaca kesi ngin. Kiany eipone loebucatar kesi ngin? Inerakinitai oni sek toma aitaraunio odwe! Kwana imwasai amisikisi nuapelekinit eong? Koriosi akusikanin kuju. Aitaraunio odwe! Kiuritai oni kotoma Omoyo loka Edeke, abeit, kijaut Emoyo Lokalaunan, ido komony, Aba papa! Hallelujah! Kojai aibuses mama ejai Edeke!" kirai oni, erai ngin nadolit, kirai oni idwe, konye mam oni kipedori adolore nenice. Mam oni kipedori amudiar Ipilisian.

108 Koany Billy Graham ebwoi kangina. Lu ebalasI lukomohamedan ebe, "kitogogog ngun."

Koany Jack Coe ebwoi kangina. Kede itunganan yenimam ecamunit ebe ejai Edeke, kede ekanisa loka Kristo iyogas kede itunganan yenimam ecamuit ebe ejai Edeke kangina, ajangar akanin. Luebeit koraas Ikristayon, konye ayogan kede ajokin kwape ka Joe Lewis, kede lulatos aomisio, ido kede ainyanakin Edeke kobalas ebe, emamei ibore kangin ebe Edeke, ediopone, ageun kede, kede iboro kwangin, ekanisa loenyarakina ebe loka Kristo, ayoganakin kede ngesi, ido ayangar ewai asurokin onac Jack Coe. Biai bodo kipedora oni aismamaun idiobore? Ido ipetekotin, luipu kakesi, esurokinitos ngesi; konye kobeite idiokalimonokinan kotoma akwap wok aibwo kede nges kobokorit- kiton-obokorit kede ngesi, kosodi alimun, Edeke, kijuk kwap akonipedor." Kiany, nen ngesi kijai oni, nemam epedorere asipokin.

109 Mam Epuraim akoto asalakin. Ediopet kakesi koloto nee, kidumun oni Manasse ejaun nee, kobala, "Oo, ikatuan, kainak Ejakait eong emanikor loejok loka ekirididi!" kobun ngesi ne, ebalu Gad ebe, "ejok, kwana, kidarak adakika. Ebeit eong aitopoloun oats, konye alosi eong adumun ekirididi da. Hallelujah!" kiany ijo? Emamei ibore yen ebeit ijo aswam kede ekirididi; kodum oats, ngesi ewai kon loebait ijo aitopoloun, mam ijo ipedori acok amerekekin kobeite ijo acok akituk. Ekoto Edeke asipokin Ekanisa. Konye kangin diopet kakesi ekoto aswam ibore ngipengin. Hallelujah!" mam ijo ipedor alimokin kesi nukamunitos ngun. Mam, mam. Eroko kesi ajatar einono loka akinei, Bat, bat, bat, bat, bat, bat, bat, mam keraka ngin erai nakabeit? Ido mam ijo ipedori asipokin ekanisa. Kiany?

110 Ebeit ekanisa kinerunitete sek toma aitaraunio odwe, nedumuna ijo etunganan...eyangar Edeke etunganan kosodi aitarauun ngesi lokaleke, kosodi ainakin ngesi icebore. Ebee, nasodit, aitam ngin kosodi aanyun arai erai nakabait. Ebalu Ebaibuli ebe kitemoto imoyon. Eomit etunganan lo icebore, kitem kosodi aanyun arai erai abeit. Arai erai abeit, kolot keda ngesi kosodi alimun, "Ejakait, ijukak isio icebore bobo." Kinyikok alosit, kian, kinyikok alosit kiton edio ekesa kere adumun eke wai. Kanen ilosi do ijo awanyun ekanisa loka Edeke edumuni eke wai. Na elosoto epilisian atupakin. Ejournalite do igoen luwuriesik, epolokoros do itim, kosodi ilotaro do iretin, emameun bobo etaaba. Erai ngin abeit. Ne edolokinia ekanisa alomar mama ejai apedor nakaumokin, kosodi ne ijaunor oni kede Anania kede Sapira, kede idis kakesi. Eebo, ipa. Kiwanyuni ijo ekanisa lokalaunan ebwoi nepepe kotoma apedor, owaikie esipokinitai kwape odwe luka Edeke, itarauinitai odwe luka okale loka Edeke, ekanisa loka apedor ebwoi kanen kotoma aibuses. Oo, ngun nges ebunitori ngesi.

111 Itei jo alwanis na idolok oni, iinacan? Mam yesi ipedorete ajaun nepepe kotoma Okokoron. Ido ediotunganan, ediotnganan mam epedori awanyum aibatisimu naka akip kotoma Ebabuli, kotoma okiror loka Yesu Kristo, emudukana ngesi arai mam ejai ibore erono adamake. Erai na edolit. Ido nen ngesi ejai ejie lo epol.

Abuni eong alimokin idotungana ayangaun eengo ekokoro ne ibatisaitere idio tunganan kopone ecie kilema Kokiror lokaka Yesu Kristo, kotoma okanisa loitetet. arai ebe, arai ibatisaitai ngesi kopone ecie, ebeit bobo ngesi aibatisao Kokiror loka Yesu Kristo, kanu adumun Emoyo Lokaunan. Obia kitodik eong. Emamei ibore kwangin. Emamei acorakinet kwangin. Na abu Yesu kolimuna kangina, "kolototo yesi, kisisianakisi akwapin kere, kibatisaete kesi kokiror loka papa, kokoku, ka Emoyo Lokalaunan," Papa, Okoku, arai Emoyo Lokalaunan, emamei lo erai ekiror, emamei kotoma kesi, abu ipetero ibelok, akaulo naa apariasa atomon, ebala ebe, "kitoronokinos, ido ibatisaunos, kangin ediopet kayesi Kokiror loka Yesu Kristo, kanu aisionio nuka adiakanareta." Ido kanginiboisit kotoma Obaibuli....

112 Ido kane ijaasi icie lukebatisatai, kopene ecie kotoma Yokana, toma aitoronikin. Kabal Paul ebe, "ibeit yesi abongokin aibatisao bobo. Erai yesi abongun bobo."

"Oo, konye ibatisaitai kede etunganan lopeti lokalaunan, Yokana. Ngesi ebatisai Yesu."

"Ejokuka kere, erai lo ejiri. Erai lo Emoyo loka Edeke ngesi apukoki eong. Arai eong eyakia loka Ejakait, ido arai Emalaika lokotoma Akuj ebuni alimonokin ibore yen egitara..."

Ber eong kasiom ngun. Ebala Ebaibuli ebe; "karaida emalaika-..."

Kabala Paul ebe, "karaida Emalaika lokotoma Akuj kilimokini yesi icebore," ekaanyanaran, ekaanyaran lopeti, ipaapa, ekamanimanan, loepedori korai kere, "karai elimonoki icebore kilema ngun nuu abu eong alimonok mama kus, koraun lo ikenitai." Emamei ... emamei einono kaangon. Mam ipa, emamei ibore kaangin. Ijo, oni... ido kanen— kanen, kiany, kanukinyo mam etunga epedorata awanyun ngin? [Abu icetunganan kotoma atukot kalimun ebe, "ainerun sek"-Ekewa.] Kiany? Alimu icie tunganan ngin koitenan kanen, aokot. "Ainerun sek," kodoco. Kanukinyo? "Kere nukainak eong Papa epote" (kinyo?) "Epote mamaKa." Eipone loibecokina! "Kere nukainak eong Papa epote mamaKa—epote mamaKa." Inyobo akationis, atamit eong adumun kane? Ne ngesi ijai oni. Ejokuka kere.

113 Akoto ber eong asiomun ekokoro lo ido kalimokini eong ijo nu abala Paul, iboro lu... aisiraret na alimonokinit eong katibong kana. Nu ngesi abala Paul kotoma ainerun sek, kotoma aibatisao naka akip Kokiror loka Yesu Kristo, aibatisao naka Emoyo lokalaunan, ainapeta nukotoma okanisa kede aceda. Nu ngesi abala ngesi:

Keitunit eong (alimokini igalatian lu) ebee isunyito yesi anyoun kamakalo inyaraunit yesi... toma asianut naka kristo (erumitos eong ileic kanukus, kacekiro, icamakisi yesi icetungana abunore ne, ejulakin ekuserot kotoma kangun.) mama ejai ejaasi akiro nukajokak acee:

Nuda mam araas ace, konye ejaasi nu iticanete yes, ido ekotosi aijulakin akiro nukajokak nuka Yesu Kristo, aitikokin akiro nuajokak nukabeit nuka Kristo.

114 Konye koany. Kwana, kiitu, arai Paul ngesi abu icorak idiotunganan yenimam ebatisatai kokiror loka Yesu Kristo, abunore kosodi adumun aibatisao bobo Kokiror loka Yesu Kristo. Imwas ai ejenet ebe erai ngin nakabeit? Imwas ai ejenete ebe karai Paul ngesi abala ebe ayeiyeiana engaditai ageun eroko epesikina apetetait naka akwap, ido aponi kopukukinai mamaKe, ebe enerunitai sek oni araun idwe luka Edeke toma aitaraunio odwe, arai Paul? Koany kane nubala ngesi:

Konye karaida isio, arai emalaika lokotoma akuj, kilimonok

Yes akiro nukajokak ace kilema ngun nuipou kalimonokis ye

Koraun lokenitai.

Sirikilim ebe, "Mam eong acamanara kede ijo, aibucaret." Koraun ngesi loikenitai. Ber eong kasiom ekokoro lotupakin:

Kwape kilimokinitor sek, kwana da kilimokin bobo,

Ebe arai kilimonok yesi itunganan akiro nukajokak ace

Kilema nuapotu kijautu, koraun yen ikenitai.

115 Erai ngin naejok. Kwana, onac, inac, arai erai Edeke kaparan kaya, ido kalimun eong ngun, komam erai ebe ainyangar, abu koyangaik eong aanyun nuikodiok nu...kwana, eyalama eong; mam eong aomit ebe adum eong ayalama, konye adum eong arereng kotoma alimonokin. Anyoun eong kotoma akuan ido aidara yes kane aitodol ice ageun ajotonor kede aipasa. Konye, Oo, eong... arai ijo—arai ijo kojen bon eipone lopudar eong yes kangina! Kiany? Ido eong, nealimuna eong ngun bobo, nealimuna eong....abu

eong kalim, "abuni ngin aswam..."

Kobala nges, "kipudakin ijo aanyun ibore yen erai angetakinet?"

116 Ido abu eong angokia kau ido kaanyu akakuan eper kanen kotoma akapet. Kotoma abeit kijenut yes eong adaun apak napeoja kajenun ebe enera eong abeit. Akoto eong aingit yes icebore, kabu Samuel kolimuna ebe eroko inyonyoikina Saulo akinyet, kalimokinitor eong yes Akirot Kokiror loka Ejakait kilema na arai abeit? Erai ngin nakabeit? Erai ngin duc abeit. Abunitor kereka eong ailipit yes isirigin araibonat icebore kwangin? Mam, kiany, mam eong adumunitor. Eswamator kere eong icebore kilema aingarenikin yes toma Kristo? Kodoco.

Kwana apotu kinerata ebe arai eong lomunara akou, kijeni ijo, loadau akou amunar cut. Naarai, iboro ngun ebeit kotakanut, abala Ebaibili ebe apote. Kwape Yane kede Yemburekogwoikis Musa, apotu kiswata iboro luedunyas kede luswamai Musa, kiton neabu kodolokina toma aitodiar. Erai ngin naka Abeit. Konye kiitu, Yane kede Yambure mam apedorete aitangale. Mam apedorete aitangale. Apedorete kesi ayangaun aiticaneta, konye mam apedorete alemar kesi. Kiany? Erai ngin abeit. Kwana, Edeke ngesi erai loitangalei. Akirot naka Edeke esalakin erai nakabeit.

117 Abu katamite araut lomunot Kama kus. Atam eong alimonokin yes abeit. Kabu eong nepetai adaun ikaru akaisauni kede idopet, abwoi eong kolutar kalo, ajaun kede anyoun, adaun ikaru akaisaun kede idiopet, ido adiopeparan abun eong alosit toma aibuses kawai naka elutar kalo. Abu kojai aberu, apese, papa, onac, kere adaun Aida kangina, ipapero luka etiai. Kanyunun eong asadukun kece kede aturo idokonokinio kangina, ajen eong adiopet paran ejaun apak kada, kwana, erai ngin abeit. Konye kotoma abeit, kotoma otauka, abukalimok yes kere nukotau ka, eyuunit eong ebe abu kalimonokin yes Eijiri loka abeit loka Ejakait Yesu Kristo. Eyunit eong ebe ebeit yes abatisao, nginidiopet Kayes, Kokiror loka Yesu Kristo, ido kidumunete aibatisao naka Emoyo Lokalaunan. Ido naswamata ngun, eyangauni ijo toma ayalama, ainapakin, atingikin, ajokis, ayapepera, aiyamakina, aitikokina, aiyuun.

118 Ido kapaaran kaya, nuapotu kiswamaikinos eong katupuruc kangin, mam eong ajeni. Mam ber eong apedori alimun arai ajai eong toma akuan kasodi aanyun aitapoete, araibo aponi kayangar eong awai kane, kiton ngina. Mam eong ajeni, mam eong apedori alimun. Ibore bon yen ajeni eong, ebe abu eong duc akuriana atwanare, aibosit ngin naka etidot. Konye korai mam akuriana mam ti Yesu ebunit ajangar eong, kwana, mam bobo eong akuriana ngun; konye arai mam eong eriamuna kede ijo ido araut elisina lomojong eporitot kotoma okwam kwangin. Konye kwana aanyu eong.

119 Neabu eong kaanyu itunga ngun, ajaas etakanete. Ido araas kesi itunga luapotu kojaas kede eong kane kotoma akwap, karaida aberuka nasodit. Mam bobo karai akaberu, arai do ngesi inacika. Mam bobo nges abu konyarite eong kwape okilenike, abu ngesi konyarite eong onaceke lominat. Amamei bobo ekiliokit karaida aberu, amamei bobo aipup naka eponekangon, mam apedori ajaun; arai naetekoro, arai ajijim, arai aitekoro.

Aumokinit eong, mam eong ajeni, aumokinit eong: ngun kesi nuabu eong kaanyunite, eroko ngesi kenyouna akwap? Nejaar ngesi ngina toma adekis, nebu eong kanyarauna ngesi, kosodi ngesi alimun, "Billy, abu ijo kolimonok, kineritor ijo ngun," Abala ngesi, Mam ijo ijen ibore yen kerai ngesi." Kabala ngesi, emamei bobo eong eipud asalakin aiboi."

Aumokin eong arai ngesi ngin, kede etunganan lokalaunan loka Edeke lomojongit F. F. Bosworth, loda abu kobwo kolutar kalo, loalimonokinit kede eong aiboisio nuipu kotoma akwap. Epolon F. F. Bosworth, yes kere, nepetai, kijenete nges, eyongit Edeke, epolon loalaunit.

Isawan iarei eroko, ejok, bala esabiti karai iarei eroko ngesi kenyouno, abu kadol mamake ido kojai eper kokau kangina, korai nepetai ikaru akasakany kangon lukapolou. Akekanin numojong apotu kadolokis eong, akekou nalarong kede asukukuketa ke nuakwangak kotoma oreeteke. Abu eong ekamu etunganan ngon lomojong kede akakanin kasodi adelor, "papaka, papaka, agalin nuka isirail kede ikebwanenok luejaas."

Arai ejai etunganan loabwoikinit penitekot ido korai ekiyokia lokabeit, ngesi F. F. Bosworth, lokelai, korioro, kede ejiri lokabeit, kiany, kerai Bosworth. Ido nekabu eong kadakia ngesi kede akakanin, kasodi adelor, papaka, papaka, agalin nuka Isirail kede ikebwanenok luejaas."

Kotema ngesi, "okoku. Kosalak toma alaro." Kobala, kijuka icekotoma ikesa kalu edisia toma aswam nako kinga, arai kipedori ijo, naarai ejaas kede aboliar akiro naepol kangina. Koyanga ngina ejiri ngon lokabeit lojatar ijo, okoka." Kobala bobo ebe, mam akonijanakin edolokinit adoketai nabeit adolokin." Kobala, "irai ijo Branham lotetet." Kobala ebe, iroko ijo idit, okokuka."

Abu eong kalim, Onac Bosworth, arai kwana eong loka ikaru akaisangon kanukany kauni."

Kobala ngesi, "mam ber ijo igeunit da." Kabala ngesi, mam icamakin ikalimonokinak ngun lupetekotin lueroko edisia adolere ngina kede amamiak, kosodete amunaun iboro kangina, kosode ajangar kere

luisiatos kede akwap kere eroko ijo kidolo ngina." Kobala, "koloto ingaren, Onac Branham, koloto ngaren kede ejiri loijatar ijo." Kabala ngesi, eyuunit eong ebe irai ijo ekiyakia, arai, enabi loka Ejakait wok Edeke."

120 Abu eong kasesen ngesi, abu eong katun ngesi akaninika. Katemar ebe, "onac Bosworth, akoto eong aingit ijo aingiset. Anibo apak kon nayalamar ijo kakere...kotoma okaru kon nelimonokina ijo?"

"Kobala ngesi, kopekwana, onac Branham."

Kabala eong, mam ijo ijani ebe ijai ijo atwanare?"

Kobongok ebe, mam bobo eong atwani."

Kabala eong ebe, "Inyo...kanukinyo kilimunia ijo ebe nangesi

Apak kon naka aiyalama?"

Kajai ikek yen adit . Kabala ngesi, ajai eong aper kane kede ekareet iteunit mamajai ekek ngon. Adiodakika kere, ngun luabu eong kamina, luabu eong kalimonok kede aibwo kanukece, kere kotoma aijara ka, epote abunore okek ngon aijaun eong, ido abun eong alosit kede ngesi." Abu eong asesena mamake, eong ebe, ekoni nepenen kwape asesena eong Abraham, Isaac karabonat Jacob.

Abu eong ekamu ekekan, katemar atiar, Onac Bosworth, kiyuunit oni kere Edeke ediopet, iyunit oni kere ibore idiopet. Kotoma asianut naka Edeke abuni eong alimonokin kiton eyengane lokawasia loka aijara ka. Abu eong asalakin arai lomunot mama ejai Edeke kapedora eong kere. Mam eong abuni aijalijala kotoma akiro nukajokak kotoma ediwai kere. Abuni eong araut lomunot kopone loapedora eong kere. Onac Bosworth, abuni eong ariamun kede ijo kotoma akwap najokan namam ijo idisiar...araibo amojong bobo, konye kodit."

Kobala ngesi, "ibuni ijo ajaun ngina, onac Branham, mam ipodo."

121 Ido esawa ediopet kau, isawan iarei kau eroko ngesi etwana...bala ilapio iarei kau, aomit eong ebe itwak isio kanen, abu aberu ka kolom kosodi aanyun ngesi (Apodo lemu ngesi nuke noi), ido aberuke Bosworth. Ido bala isawa iarei kere abu ngesi koper ejotoi. Abu konyou kuju, kosodi angolengol, kosodi anyoun akapet ke. Kosodi alimun ebe, "toto, ejok, adaunit eong ikaru mam anyunit ijo! Papa! Onac Jim, kanukinyo," abala, "kaanyutu, kirai ijo ediopet kotoma kalu elimonokin eong ayuun Ejakait, kotoma Joliet, Illinois." Abu nges kotwanite bala ikaru akaisakany kau. Kiany? Eebo! Abala nges, irai ijo inac mutan-kede- mutan eebo, abu eong kengarenik mama ijai Ejakait kotoma ariamun najai Winnipeg. Ee. Kanukinyo, kane ejai bobo inac mutan-kede-mutan. Mam eong aanyunitor ijo...Ee, kiany, abu ijo kobu mamajai Ejakait aboit mutan." Ido adaun isawan iarei kere abu kiyoganakinos kede luengarenikin ngesi mama ejai Ejakait. Kosodi abongor kiton aboisit ke, kosodi apero, kosodi ailokonyikin akekanin, ido ngesi ngin. Abu onac F. F. Bosworth koloma toma akwap nabu Ejakait kocamak eong aanyun kakuare kaya? Arai erai ngesi, ejai ngesi ngin erai etunganan loedit atibong Na. kisiengu Edeke Ekemoyo. Ido okwe kajar eong da arai lomunot kiton eong da alomar akwap ngin. Ido karaun eong da lokabeit—ebulesit loka Kristo!

122 Erumito eong ileic kanuka aijaraka. Ikamunito eong ileic eroko ber eong kadikara koingaren kus itunga, iburai yes abunore alimokin eong. Kiany? Atamit eong aijar ketenara kotoma kangin ibore kere yenicamakin Edeke eong aswam kanu akesianut. Kiany? Kiany? Konye, koany, ipapero, ikamunitos yes ikatunga arai kianyutu yes idiobore yen erono kotoma aijaraka, kopotu kolimokis eong. Ido, koany, ikamunito eong da nuabunore alimonokin yes Ejiri lokabeit. Ikamunitos eong da kanukus, naarai amuno eong aanyun kangonireet kane, ikiliok luedisak kede angor nuedisak, bon kotuboto agerosit ngin najai kingaren. Erai bon ayengaret adiopet kiding nejai ijo kwana kede ngina. Kwana, erai ngin naejok. Ejai ngina.

123 Ido Edeke loka asianut kere, Edeke loka akuju, mam erai kotoma aitur, konye kotoma ayongit, "Papa," kotoma aparan nabunere aitodiar iso kotoma awate nukotoma akwap bobo, tetere iso ipedori aimat, kasodete ainyama araito naka akwap. "Epote aiduk itogoi ido mam ice epote airum. Epote aira imanikora luka imusabibun ido mam erai ice enyamete." Kiany? Ediopetunganan irai imusabibun, okokuke ngesi eyangar, ido kosodi okokuke ayangar, kede Luke. Konye mam ikonine kapak kana; ebon ngesi aira kosodi asalakin nen, kiany, erai ngin abeit. Ibuni oni ajaut ngina ikaru kere. Ido okwe, kotoma akwap kangin, kaany eong idopet Kayes.

124 Ido ajeni eong ebe enera eong kanejaas ikejanakinak luka terinitii. Ido, inacan ka, mam eong alimun nuu—mam eong alimun nu kanu aimusung. Arai eong loka iuni, eyunit eong da teriniti, atutuben auni nuka Edeke (Papa, Okoku, kede Emoyo Lokalaunan), konye mere idekesio iuni. Kiany? Eyunit eong ebe ejaas atutuben auin nuka Edeke, kotoma abeit, kede akatau kere, "Papa, okoku, kede Emoyo Lokalaunan," konye mam kesi eraas idekesio iuni. Konye eraas atutubena...araibo iyapiesin luka Edeke. Abu Edeke kojarite kotoma araut Papa, Okoku, ido kwana Omoyo Lokalaunan. Erai Edeke ediopet kotoma oyapiesin iuni. Ido ejaas...

Ido Papa, Okoku kede Emoyo Lokalaunan, mam erai ekiror loka Edeke. Ejaatar Edeke ekiror ediopet, ido ekekiror erai Yesu. Ebela Ebaibili kwangin, "Ekale lojai toma Akuj enyarakinitai kede ekiror ediopet Yesu, ido ekale da loko toma akwap da enyaritai Yesu." Erai ngin nakabeit. Kwangin ejaatar Edeke kede ekiror ediopet, ekiror loka etunganan. Ajatar ngesi kede ekiror loanyaritai Yawe- jire, Yawe- Rapa, karai ngon ekekiror loka aswam. Konye ajatar ngesi kede ekiror ediopet: Yesu! Ido ngesi NgoL.

Ido kotoma abeit, inacan ka, arai ingerokinos ijo kede eong, kiitu, abuni eong airiamun kede ijo kangina, ediopone kere. Kiany? Abuni eong ajaun ngina kede ijo. Ido kisirereng ijo Edeke. Ido amina eong ijo.

125 Ido akoto eong ekanisa aitun kwana, atupuruc naka sabiti kilosi oni aikopar kanen ido abuni eong aitam amamus aidar yes adaun apak naewoja adepar isawan ikanyikauni, tetere oni kijaun kede aimor naka aparar, arai kipedo oni, ido arai eswama eong ka eswamator eong lolo, iwongon kede atutubet. Ipote yesi aitim eong? Ipapero, emamei oni apak naepol naideuna, luminan. Anyarai eong yes "luminan" naarai iras yesi. Iras yes lukajijimak ka. Kijenete yes ngin? Kwana abu ekokoro kane. Abala Paulo ebe, ekokotikinit eong yes (ekalisa ke) kede ekokote loka Edeke, naarai kesinerikit eong yes." Nen ngesi ijai, kodum kanen. Nges ngin. "Naarai kesinerikit eong yes, mamajai Kristo, kwape abekot naelai."

126 Kwana, arai erai ngin abeit ido kaparan kangin, ebela Ngesi, ebalasi itunga eong ebe, ebun Yesu mamakon, ido ibuni ijo aitodiar isio mamaKe," kwape abekot naelai. Kotubokinitete kede Akirot na abu ijo kolimonokinite kesi ido, koany, arai alimonokinit eong yes nualimonokinit Paul mama ejai ekekanisa, arai eloma ekekodet toma, loka da elomar, naarai kijaar iso kede ibore yeneputo. Amen.

Ketuluroto kwana awokakwes kwape kilimuna nu, "Edeke isirereng yes" kwana...?...ewok kecokon lominanat, Onac Neville.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7